

იანუკოვიჩი: ევროკავშირს ნავალთ, ოდნოდ მოგვიანებით

იანუკოვიჩი

უკრაინის პრეზიდენტმა და პრემიერმა უკვე მკაფიოდ ჩამოაყალიბეს, რომ ვილნიუსში "აღმოსავლეთ პარტნიორობის" სამიტზე ევროკავშირთან ასოცირებისა და თავისუფალი ვაჭრობის შესახებ ხელშეკრულებების ხელმოწერა ვერ მოხერხდება. მათი მტკიცებით, მიზეზი ქვეყნის ეკონომიკური პრობლემები და მოუზღვედლობაა. იანუკოვიჩმა ისიც ცხადად თქვა, რომ ვერ არც ტიმოშენკოს გათავისუფლებისთვის არის მზად, თუმცა ეს ევროპისკენ მიმავალ გზაზე სერიოზულ პრობლემად არ მიაჩნია.

გაზრდილობა
მე-4 გვერდი



მათთვის, ვინც ასოცირების ხელშეკრულებით გვაშინებს

ამ დღეებში ვილნიუსის სამიტის და უკრაინის მოვლენების ფონზე, ქართულ პრესაში განხილვა განცხადებები იმის შესახებ, რომ ასოცირების ხელშეკრულება ევროკავშირთან, რომლის პარაფირებაც ვილნიუსის სამიტზე იგეგმება, საქართველოსთვის შესაძლოა, უარყოფითი შედეგების მომტანი იყოს. ავტორები ციფრებს არ ასახელებენ და კონკრეტულ მონაცემებს არ ეყრდნობიან, მაგრამ ამბობენ, რომ ეს საქართველოს ეკონომიკაზე

უარყოფითად აისახება. ეკონომიკური პოლიტიკის კვლევის ცენტრის მიზანი არ არის და არც ყოფილა პოლიტიკურ დისკუსიაში შესვლა, თუმცა რადგან ეკონომიკის შესახებ საუბარი ციფრებისა და კონკრეტული ფაქტების გარეშე წარმოდგენილად მიგვაჩნია, ესაა ინფორმაცია მათთვის, ვინც ასეთი დაუსაბუთებელი შიშების ტირაჟირებას ცდილობს ან ამ მცდელობაში შეემა.

გაზრდილობა
მე-6 გვერდი

უმრავლესობამ უკრაინის შესახებ განცხადების მიღება არ ისურვა

ვილნიუსის სამიტის განხილვით ერთი დღით ადრე, საქართველოს პარლამენტში ევროკავშირთან ასოცირების შეთანხმების პარაფირების საკითხზე უფრო აქტიური იყო უკრაინაში მიმდინარე პროცესები.

საპარლამენტო უმცირესობის წევრები პლენარულ სხდომაზე უკრაინის სახელმწიფო დროშებით გამოცხადდნენ.

გაზრდილობა
მე-2 გვერდი



ისტორიული სამიტი

ვილნიუსი 28-29 ნოემბერს „აღმოსავლეთ პარტნიორობის“ მესამე სამიტს უმასპინძლებს. სამიტში ევროკავშირის ინსტიტუტების უმაღლესი წარმომადგენლები, ევროკავშირის წევრი და „აღმოსავლეთ პარტნიორობის“ ქვეყნების (აზერბაიჯანი, ბელარუსი, მოლდოვა, საქართველო, სომხეთი, უკრაინა) მთავრობის მეთაურები მიიღებენ მონაწილეობას.

„აღმოსავლეთ პარტნიორობის“ სამიტის ფარგლებში საქართველოსა და ევროკავშირს შორის ასოცირების შესახებ შეთანხმების პარაფირება უნდა მოხდეს. ასევე განხილვება პარტნიორობის იმპლემენტაციის საკითხები და წინა სამიტის შემდეგ პარტნიორ ქვეყნებსა და ევროკავ-

შირს შორის თანამშრომლობის კუთხით არსებული მიღწევები, დაისახება მომავალი ორი წლის გეგმები. სამიტის შემდეგ შემუშავდება ერთობლივი დეკლარაცია, რომელიც ევროკავშირისა და ექვსი პარტნიორი ქვეყნის საერთო ფასეულობებსა და პრინციპებს ასახავს.

ოფიციალური თბილისის შეფასებით, საქართველო-ევროკავშირის თანამშრომლობის შემდგომი განვითარებისთვის ვილნიუსის სამიტს ისტორიული დატვირთვა აქვს, რადგან ამ სამიტზე საქართველო და ევროკავშირი „ასოცირების შესახებ შეთანხმების“ პარაფირებას მოახდენენ.

საქართველოს საგარეო საქმეთა სამინისტროს ინ-

ფორმაციით, ასოცირების შეთანხმება პოლიტიკურ ასოცირებას და ეტაპობრივ ეკონომიკურ ინტეგრაციას ითვალისწინებს და ქვეყნის ევროპეზაციის პროცესს შეუქცევადს ხდის.

შეთანხმების ტექნიკურ პარაფირებას 28 ნოემბერს საქართველოს მხრიდან, საგარეო საქმეთა მინისტრის პირველი მოადგილე დავით ზალკალიანი და ეკონომიკისა და მდგრადი განვითარების მინისტრის მოადგილე მიხეილ ჯანელიძე მოახდენენ, 29 ნოემბერს კი „ასოცირების შესახებ შეთანხმების“ პარაფირების ოფიციალური ცერემონია გაიმართება.

გაზრდილობა
მე-3 გვერდი

1 აშშ დოლარი	1.6643\$
1 ევრო	2.2110\$
1 ინგლისური გირვანქა	2.5933\$
1 თურქული ლირა	0.8622\$
100 რუსული რუბლი	5.0433\$

თბილისი	31°C - 20°C
ქუთაისი	33°C - 20°C
ზუგდიდი	32°C - 21°C
ბათუმი	27°C - 21°C

ნავთობი	3.19	+0.00	+0.16%
გაზი	3.58	+0.11	+3.07%
ოქრო	1,743.20	-9.80	-0.56%
ხორბალი	868.50	+12.25	+1.41%

17 და 19-ნომბრული ელიტრაუნდები მეთოქეებს ელიან

გიგა ბურასაშვილი

28 ნოემბერს ნიონში, უეფას შტაბბინაში, 2013/14 წლების სეზონის 17 და 19-წლამდე ნაკრებების ელიტრაუნდის წილისყრა ჩატარდება.

ქართულ მხარეს საქართველოს ფეხბურთის ფედერაციის პრეზიდენტი ზვიად სიჭინავა და გენერალური მდივანი რევაზ არველიაძე წარმოადგენენ.

გაზრდილობა
მე-8 გვერდი



ელიტრაუნდში 17-ნომბრული მეთოქეები დღეს გაირკვა

ახალი წელი მასო პარკართან ერთად

The funkiest living saxophonist ever
31 დეკემბერს ბენდთან ერთად დაუკრავს

იან ვიკა

რამდენიმე კვირაც და წინასახალწლო ისტერიკა ბოლომდე გახურდება: ქალაქი მანდარინის ნაფრცქვენებით, ასაფეთქებლების მურიანი კვალთა და უკეთეს შემთხვევაში, თოვლით დაიფარება. დადგამენ ნაძვის ხეებს, რომელთა უმეტესობა სულაც არ ემგვანება სადღესასწაულო აქსესუარს, თუმცა ფაქტი, რომ ახალი წელი დადგება, ურყევია, შესაბამისად მას უნდა შევხვდეთ კიდევ.

გაზრდილობა
მე-5 გვერდი



2009 წლის შავი ზღვის ჯაზფესტივალი.

"24 საათი" ელექტრონული ვერსია იხილეთ Web-გვერდზე www.24saati.ge
ჩვენი პარტნიორები:

თბილისი ბანკი TBC BANK
ჩვენ ვამლოებთ ერთმანეთს

FM 102.4

ბანკი კონსტანტა BANK CONSTANTA

ISSN 1987 9121

9|771987|912100|>

უმრავლესობამ უკრაინის შესახებ განცხადების მიღება არ ისურვა

პირველი გვერდიდან

ამასთან, ოპოზიციამ მაგიდებზე უკრაინის გარდა, საქართველოს და ევროკავშირის დროშები განათავსა. პარლამენტის თავმჯდომარემ დავით უსუფაშვილმა ოპოზიციონერ დეპუტატებს სთხოვა, მისთვისაც გადაეცათ ერთი ეგზემპლარი, რომელიც სპიკერის მაგიდაზე მოათავსეს. „ვხედავ, რომ ეს თემა პოლიტიკური ნიშნით არ იყოფა, იმავე სიმბოლიკას [უკრაინის დროშას] უმრავლესობის მხარესაც ვხედავ,“ - მიაჩნდა უსუფაშვილმა უმრავლესობის სექტორში გადმოკიდებულ უკრაინის დროშაზე.

პარლამენტარების გამოსვლების ტექსტები სწორედ ასოცირების შეთანხმების თემატიკით იყო გაჯერებული. საპარლამენტო უმცირესობა უმრავლესობას უკრაინის შესახებ განცხადების მიღებას მოუწოდებდა. „საქართველომ მხარდაჭერა უნდა გამოხატოს, არა იმიტომ, რომ უკრაინა მოძმე ერია, არამედ ორმა პარტნიორმა სახელმწიფომ [საქართველომ და უკრაინამ] ევროპაში თავისუფლების რუკა, ფაქტობრივად, შეცვალა. მათ ამ რეგიონისადმი თავისუფალი სამყაროს ყურადღების მიყვრობა შეძლეს. არ უნდა დავივიწყოთ, რომ უკრაინამ და უკრაინელმა ხალხმა საქართველოს არნახული მხარდაჭერა გამოუცხადა, როდესაც 2008 წელს საქართველოს სრული ოკუპაცია ემუქრებოდა, - თქვა ბეჟაშვილმა, - „საქართველოს თავისუფლებისთვის ბრძოლის წინა ხაზი სწორედ უკრაინაში გადის. დღეს ჩვენ, ყველა, უკრაინელები ვართ.“ ბეჟაშვილმა უმრავლესობას უკრაინელი ხალხის მხარდასაჭერად ერთობლივი განცხადების მიღება შესთავაზა.

უმცირესობის წევრ აკაკი მინაშვილის შეფასებით, დღეს უკრაინა ფრონტის ხაზია და მას ისეთივე მხარდაჭერა სჭირდება, როგორც საქართველოს 2008 წელს სჭირდებოდა. პარლამენტარის აზრით, იმ ვითარებაში, როცა უკრაინის ხელი-სუფლება არ მალავს, რომ ასოცირების ხელშეკრულების ხელმოწერის შეჩერების გადაწყვეტილება რუსეთის მანტაჟის გამო მიიღოს, საქართველოს ოკუპანტი სახელმწიფოს მიმართ მტკიცე პოზიციის გამოხატვა სჭირდება. „რუსეთს არ უნდა გაუჩნდეს იმის განცდა, რომ მომავალში შეუძლია საქართველოს იგივე გაუკეთოს და რომ ხელისუფლება შეიძლება, დამყოლი იყოს. ქართველ ხალხზე ის ვერ იმოქმედებს, ამიტომ ჩვენ ხმა მალა უნდა ვთქვათ, რომ ჩვენი გზა მიდის ევროკავშირში და ევრაზიული კავშირის პერსპექტივების შესახებ არ უნდა ვისაუბროთ,“ - ამბობს აკაკი მინაშვილი.

ფრაქცია „ქართული ოცნება-რესპუბლიკელების“ თავმჯდომარემ დავით ბერძენიშვილმა უმცირესობის საპასუხოდ თქვა, რომ „ხალხი საკუთარ ბედს წყევტს - საქართველოს ევროპულ ბედს, ევროპულ არჩევანს საქართველოს მოქალაქეები გადაწყვეტენ, უკრაინის არჩევანს - უკრაინის მოქალაქეები.“ როგორც ბერძენიშვილი ამბობს, საგარეო ფაქტორები შეიძლება, ხელშემწყობი ან ხელშემშლელი იყოს. დეპუტატი აღნიშნავს, რომ უკრაინას დიდი მხარდაჭერა აქვს ევროპა-

სა და აშშ-ში, მაგრამ ამასთან, ბუნებრივია, მისთვისაც არსებობს ხელშემშლელი ფაქტორები, ისევე როგორც საქართველოსთვის. „ჩვენი ერთი მეზობელი სექტემბრის დასაწყისში შეფერხდა და პაუზა აიღო ევროპული ინტეგრაციის პროცესში. თუმცა, უკრაინა ევროპული ქვეყანაა და იქნება ევროპაში. როდის და როგორ, რამდენად გაინელებს პროცესი, ეს ხელს ვერ შეუშლის უკრაინელების არჩევანს,“ - დასძინა დავით ბერძენიშვილმა.

უმრავლესობისა და უმცირესობის მიერ წარდგენილი განცხადებების ტექსტები შეაფასა ფრაქცია „ქართული ოცნება - რესპუბლიკელების“ წევრმა ლევან ბერძენიშვილმა. მისი აზრით, ეს ტექსტები ცხადყოფს, როგორ საზოგადოებას წარმოადგენენ უმრავლესობა და უმცირესობა. „თუ ერთი სიტყვით მაინც ვიტყვით, რომ ჩვენ ქვეყანის ბედი სადმე გარეთ წყდება, ასეთ შემთხვევაში ჩვენ არ ვართ ევროპული ქვეყანა და ვერ ვაკეთებთ ევროპულ არჩევანს. საქართველოს ბედი წყდებოდა და აუცილებლად გადაწყდება საქართველოში. საქართველოს ბედი აუცილებლად გადაწყდება თბილისში და რაკი დღეს პარლამენტი ქუთაისშია - გადაწყდება ქუთაისში და არსად სხვაგან,“ - მიმართა ბერძენიშვილმა კოლეგებს.

ლევან ბერძენიშვილი მიიჩნევს, რომ საქართველოსთვის დიდი მნიშვნელობა აქვს იმას, რაც ამჟამად უკრაინაში ხდება, გულშემატკივრობს ამ ქვეყანას, მაგრამ ყველა სახელმწიფოს საკუთარი მთავრობა ჰყავს და გადაწყვეტილებებს მთავრობა იღებს. „საქართველომ მათ გადაწყვეტილებები, მოსაწონია თუ არა ისინი, პატივი უნდა სცეს,“ - თქვა ბერძენიშვილმა.

ფრაქცია „ქართული ოცნება - ეროვნული ფორუმის“ წევრი ანი მიროტაძე „ნაციონალურ მოძრაობას“ მიმართავს, უკრაინის საკუთარი მომავლის არჩევის საშუალება დაუტოვონ. ამავე დროს, როგორც მიროტაძე აღნიშნავს, იმ ძალიან მცირე მონაპოვართა შორის, რაც „ნაციონალური მოძრაობის“ ხელი-სუფლებას ჰქონდა, აღსანიშნავია ის, რომ ევროპისკენ სვლა არ შეუწყვეტია. „მადლობას გიხდით იმისთვის, რომ იბრძოდით, რათა ღირსეული ადგილი მოგვეპოვებინა ევროპაში და დარწმუნებული ვარ, თქვენც გაგიხარდებათ, როცა ჩვენ ამ სანუკვარ ოცნებას ავიხდენთ და მიზანს მივალწევთ. მე აქ ვხედავ უკრაინის, საქართველოს და ევროკავშირის დროშებს და ძალიან კარგია, რომ თქვენ ეს დროშები მოიტანეთ. დარწმუნებული ვარ, რომ უკრაინა, ისევე როგორც საქართველო, აუცილებლად გახდება ევროპული ოჯახის წევრი, იმის მიუხედავად, თუ როგორი გამოწვევების წინაშე იქნება,“ - აღნიშნა მიროტაძემ.

ანალოგიური დამოკიდებულება ჰქონდა ფრაქცია „ერთიანი ნაციონალური მოძრაობის“ თავმჯდომარე გოკა გაბაშვილს. მან ევროკავშირთან ასოცირების შეთანხმების პარაფირების მიმართულებით განუხილეს მუშაობისთვის ყოფილი და მოქმედი მთავრობის წარმომადგენლებს მადლობა გადაუხადა. უმცირესობის წევრი მოქმედი და ყოფილი საგარეო საქმეთა მინისტრების

მაია ფანჯიკიძისა და გრიგოლ ვაშაძის მიმართ პატივისცემას გამოხატავს. ამასთან, გაბაშვილი ევროპულ და ევროატლანტიკურ სტრუქტურებში ინტეგრაციის საკითხებში ყოფილი სახელმწიფო მინისტრის გიორგი ბარამიძის და მისი შემცვლელის ალექსი პეტრიაშვილის წვლილის შესახებ საუბრობს. „ევროკავშირთან ინტეგრაცია საქართველოს ისტორიული არჩევანია. ქვეყანა ევროპისკენ ახლა არ მიდის - საქართველოს ტრადიციული ადგილი, საქართველოს იდენტობის ნაწილი არის ის, რომ საქართველო ევროპაა,“ - თქვა გოკა გაბაშვილმა. იგი ყურადღებას ევროსაბჭოს საპარლამენტო ასამბლეის საპარლამენტო ასამბლეის შენიშვნაზე ამახვილებს, რომელშიც საქართველოში შერჩევით სამართალისა და პოლიტიკური ოპოზიციის დევნის შესახებ არის საუბარი. გაბაშვილი იმედს გამოთქვამს, რომ ასეთი ქმედებები არ განმეორდება და შიდა პოლიტიკური პროცესები ხელს არ შეუშლის იმას, რომ საქართველო ერთი წლის შემდეგ ასოცირების ხელშეკრულების ხელმოწერისთვის მოხდა იყოს.

შიდა პოლიტიკური პროცესების შეფასებისას ყოფილი პრემიერ-მინისტრის წინასწარი პატიმრობა გაიხსენა უმცირესობის წევრმა თინა ბოკუჩავამ. „გეთახებით, როცა ამბობთ, რომ დამნაშავე ადამიანები ვართ თავისუფლად არ უნდა თარეშობდნენ, მაგრამ როცა წინასწარ პატიმრობაში გყავთ ადამიანი, რომელიც არ გაურბის გამოძიებას, რომელიც 4 000 მოწმეზე გავლენას ვერანაირად ვერ მოახდენს, რომელიც საქართველოდან არ გადის და თუ გადის, უკან ბრუნდება, მაშინ საქართველოს მთავრობის მოტივაციები ნამდვილად ეჭვქვეშ დგება. ღრმად ვარ დარწმუნებული, რომ ეს ამ დარბაზში კარგად იცინა და ესმით. იმედოვნებ, რალაცნაირად გაავრცინებთ და შეავრცინებთ იმ ადამიანებს, ვისაც არ ესმის, თუ რა გავლენას მოახდენს ეს პროცესები საქართველოს ევროპულ არჩევანზე,“ - აღნიშნა ბოკუჩავამ.

პარლამენტში დებატები უშუალოდ განცხადების პროექტების შესახებ გაგრძელდა. უმცირესობის წევრ ირმა ნადირაშვილის მტკიცებით, დადგენილების პროექტი, რომელსაც საპარლამენტო უმცირესობა პარლამენტს სთავაზობს, აბსოლუტურად განონასწორებელია. „ამ ტიპის განცხადებებს აკეთებს ევროკავშირი, რომელიც რუსეთის მხრიდან ზენოლის შესახებ საუბრობს. ეს არის ვითარების რეალური შეფასება. თუ ამ მიმართულებით შევჯერდებით და ერთობლივი განცხადების გაკეთებას მოვახერხებთ, ეს რუსეთისთვის მნიშვნელოვანი სიგნალი იქნება. მოსკოვი დაინახავს, რომ თუ რუსეთი საქართველოს მიმართ მსგავს მეთოდებს გამოიყენებს, ქვეყნის პოლიტიკური კლასი ერთიანი იქნება,“ - მიმართა ნადირაშვილმა საპარლამენტო უმრავლესობას.

პარლამენტის ადამიანის უფლებათა დაცვის კომიტეტის თავმჯდომარე ეკა ბესელია აღნიშნავს, რომ მოქმედი ხელისუფლება ისე ვერ იმოქმედებს, როგორც თავის დროზე გაცივრებულ იქცეოდა. „თარგამაქმ უკრაინაში რაზმი გადას-

ხა და ლამის საქართველო უკრაინასთან დააპირისპირა და თავად საერთაშორისო სკანდალში გაეხვია. ეროვნული უსაფრთხოების წინააღმდეგ სწორედ ასეთი უპასუხისმგებლო მოქმედებაა მიმართული,“ - მიიჩნევს ბესელია.

ფრაქცია „ქართული ოცნების“ თავმჯდომარე გიორგი ვოლსკის შეფასებით, უკრაინაში მიმდინარე მოვლენების შესახებ უმცირესობის მიერ წარმოდგენილი განცხადების პროექტი პრაგმატიზმის, დიპლომატიური პრინციპებისა და იმ აუცილებელი პირობის ფორმატს სცდება, რასაც უკრაინისა და „აღმოსავლეთ პარტნიორობის“ ინიციატივის ფარგლებში სხვა ქვეყნების ინტერესების დაცვა მოიცავს.

„ჩვენ მიერ შემუშავებული განცხადება კი დიპლომატიური ნორმებისა და პრინციპების გათვალისწინებით არის ჩამოყალიბებული,“ - აღნიშნა გიორგი ვოლსკიმ.

პარლამენტის ევროპასთან ინტეგრაციის კომიტეტის თავმჯდომარე ვიტორ დოლიძე მიიჩნევს, რომ უკრაინის მხარდაჭერის საკითხის განხილვისას აუცილებელია უკრაინის ოფიციალური ხელისუფლების განცხადებების გათვალისწინება. დოლიძე რუსეთის ზენოლას მნიშვნელოვან ფაქტორად მიიჩნევს და საქართველოს მიმართ ანალოგიურ დამოკიდებულებას არ გამოირიცხავს. მაგრამ, პარლამენტარის აზრით, მნიშვნელოვანი კომპონენტია უკრაინასა და ევროკავშირის შორის არსებული ეკონომიკური ურთიერთობები. „პრეზიდენტმა იანუკოვიჩმა ისაუბრა იმის შესახებ, რომ უკრაინას ევროკავშირისგან 610 მილიონი ევროს ოდენობის ტრანში უნდა მიეღო, თუმცა წინაპირობად სავალუტო ფონდთან შეთანხმებაზე ხელმოწერა წამოუყენეს. ესეც ერთ-ერთი პირობაა. მხარდაჭერა ერთმნიშვნელოვნად უნდა იყოს და ამაზე არავინ დავობს, მაგრამ ოფიციალური პირების პოზიცია უნდა გავითვალისწინოთ,“ - თქვა დოლიძემ.

კომიტეტის თავმჯდომარემ უმცირესობის წევრებს ერთობლივი განცხადების მომზადებისკენ მოუწოდებდა. „აღმოსავლეთ პარტნიორობის“ ფარგლებში მიღებულ დოკუმენტებში ნათქვამია, რომ ხელი-სუფლების და ოპოზიციის ურთიერთობა მომავალ თანამშრომლობას უნდა დაეფუძნოს, ამიტომ ერთიანი დოკუმენტი უნდა იყოს მიღებული, რომელიც ევროატლანტიკურ სივრცეში საქართველოს თანამშრომლობის კარგი მაგალითი იქნება,“ - მიმართა უმცირესობის წევრებს დოლიძემ.

გოკა გაბაშვილმა კი უმრავლესობას ორივე განცხადების ცალკე მიღება შესთავაზა. პარლამენტარის თქმით, უმცირესობის განცხადების პროექტი უკრაინაში მიმდინარე მოვლენების მიმართ პარლამენტის დამოკიდებულების გამოხატველი იქნება, ხოლო უმრავლესობის ვარიანტში ვილნიუსის სამიტზე ევროკავშირთან ასოცირების შეთანხმების შესახებ პარლამენტის პოზიციაზეა საუბარი.

„საქართველოს არ უნდა ეუხერხულებოდეს და ერიდებოდეს, ცივილიზებული სიტყვებით გამოხატოს პოზიცია და ყველაფერს თავისი სახელი დაარქვას. არ მეფლება მსოფლიოში არც ერთი ცივილიზებული ქვეყანა -

მათი მთავრობები და პარლამენტები, რომლებიც ამას ერიდებიან, ხოლო საქართველოს ორმაგად მართებს ამ პოზიციის გამოხატვა, რადგან თავად პროცესის მონაწილეა,“ - აღნიშნა გაბაშვილმა.

საბოლოოდ უმრავლესობა და უმცირესობა განცხადების ერთობლივ ტექსტზე ვერ შეთანხმდა. ბიუროზე მიღებული გადაწყვეტილებით, განცხადების ორივე ვარიანტი განსახილველად პლენარულ სხდომაზე გაიტანეს.

კენჭისყრაზე უმცირესობის პროექტს 18-მა პარლამენტარმა დაუჭირა მხარი, 31 წინააღმდეგი ნაწილი. ვილნიუსის სამიტის შესახებ უმრავლესობის მიერ მომზადებული განცხადება პარლამენტმა 66 ხმით, ერთხმად მიიღო.

გოკა გაბაშვილის თქმით, ვინაიდან ოპოზიციის შენიშვნები არ გაიზიარეს, უმცირესობამ უმრავლესობის განცხადების მხარდაჭერისგან თავი შეიკავა. როგორც დავით უსუფაშვილი აღნიშნავს, იმ შემთხვევაში, თუ უმცირესობა უკრაინასთან დაკავშირებული განცხადების პროექტს დღის წესრიგიდან მოხსნიდა, უმრავლესობა უმცირესობის წინააღმდეგობის გაზიარებისთვის მზად იყო. „ჩვენ მიერ მომზადებული განცხადებაში ყველა თემა ჩატარებული და დემოკრატიულობის თვალსაზრისით ჩვენ უკრაინელ, ქართველ, რუს და ყველა ხალხს სოლიდარობას ვუცხადებთ,“ - აღნიშნა დავით უსუფაშვილმა.

მიღებული განცხადება 6-პუნქტიანია, მასში ნათქვამია, რომ საქართველოს პარლამენტი: ა) საქართველოს პრეზიდენტსა და საქართველოს მთავრობას სრულ მხარდაჭერას უცხადებს ვილნიუსის სამიტზე ევროპის კავშირსა და საქართველოს შორის ასოცირების შესახებ შეთანხმების პარაფირებასთან დაკავშირებით;

ბ) გამოხატავს მზადყოფნას, მიიღოს ყველა საჭირო ზომა, რათა 2014 წელს ხელი მოეწეროს ევროპის კავშირსა და საქართველოს შორის ასოცირების შესახებ შეთანხმებას;

გ) აქტიურად გააგრძელებს თანამშრომლობას აღმოსავლეთ პარტნიორობის ორმხრივი და მრავალმხრივი ურთიერთობების ფორმატებში, აგრეთვე ევრონესტის (აღმოსავლეთ პარტნიორობის) საპარლამენტო ასამბლეის ფარგლებში;

დ) გამოხატავს რწმენას, რომ საქართველოს თანამეგობრობა და დემოკრატიული სამყარო გააძლიერებენ ძალისხმევას აღმოსავლეთ პარტნიორობის ქვეყნების მხარდასაჭერად და მათი სუვერენიტეტის დასაცავად; ამასთანავე, გამოთქვამს იმედს, რომ ევროპული ინტეგრაციის პროცესში აღმოსავლეთ პარტნიორობის ქვეყნებს ექნებათ არჩევნის თავისუფლება, რომელსაც ვერავინ ხელყოფს;

ე) მოუწოდებს ევროპის კავშირს, გააძლიეროს დახმარების ინსტრუმენტები აღმოსავლეთ პარტნიორობის ქვეყნებისთვის, რათა ისინი მეტად დემოკრატიული გახდნენ და ხალხთა შორის კავშირები უფრო ინტენსიური გახადონ;

ვ) იმედოვნებს, რომ ევროპის კავშირი აღმოსავლეთის პარტნიორობის ამბიციურ პროექტს მეტად ქმედითს, მოქნილსა და შედეგებზე ორიენტირებულს გახდის.

საკუთარი ინფორმაცია

გაზეთი "24 საათის" გამომცემელი შპს "მეპ". რედაქტორ-გამომცემლები:

მამუკა ფაჩუაშვილი, პაატა ვეშაპიძე.

რედაქცია: სოფოკო ჩხიანიძე (მთავარი რედაქტორი), რედაქტორები: მაია ჭალაგანიძე (საზოგადოებრივი), დავით ნინიკაშვილი (ბიზნესი), ივა შილაკაძე (უცხოეთი)

სოფო კლასონია (რევიუ), კახა ფაჩუაშვილი (სპორტი). რეკლამის და მარკეტინგის მენეჯერი ირაკლი ლეჟავა ტელ: 899 22 09 49. კომპიუტერული ცენტრი: ირმა ჯიშკარიანი, ნინო ყაველაშვილი

რედაქციის მისამართი: ქ. თბილისი, ვაჟა-ფშაველას 45, 14-ე სართული. ტელ: 40-94-45; 40-94-46; 40-94-47; 40-94-48 ელ-ფოსტა: public@24hours.ge

ისტორიული სამიტი

პირველი გვერდი

იქ შეთანხმების თავფურცელის პარაფირებას საქართველოს საგარეო საქმეთა მინისტრი მიაფანჯიკიძე და ევროკავშირის უმაღლესი წარმომადგენელი საგარეო ურთიერთობათა და უსაფრთხოების პოლიტიკის საკითხებში კეტრინ ეშტონი საჯაროდ მოახდენენ.

გარდა ამისა, ვილნიუსის სამიტის ფარგლებში 29 ნოემბერს „ევროკავშირის სამოქალაქო მიზნებსა და სამხედრო ოპერაციებში საქართველოს ჩართვის შესახებ“ ჩარჩო შეთანხმების ხელმოწერა იგეგმება. შეთანხმება საშუალებას მისცემს საქართველოს, ჩართოს ევროკავშირის ეგიდით მიმდინარე კრიზისული სიტუაციების მართვის ოპერაციებში და ამ გზით, ევროკავშირთან ერთად, მსოფლიოში უსაფრთხოების ხელშეწყობის პროცესში თავისი წვლილი შეიტანოს. შეთანხმებას საქართველოს მხრიდან ხელს მოახერხებს საქართველოს საგარეო საქმეთა მინისტრი მიაფანჯიკიძე, ხოლო ევროკავშირის მხრიდან - ევროკავშირის უმაღლესი წარმომადგენელი საგარეო ურთიერთობათა და უსაფრთხოების პოლიტიკის საკითხებში კეტრინ ეშტონი.

როგორც საგარეო უწყებაში აცხადებენ, საქართველომ „სავიზო რეჟიმის ლიბერალიზაციის სამოქმედო გეგმის“ შესრულების კუთხითაც მნიშვნელოვან პროგრესს მიაღწია, რაც სამიტზე ასევე დადებითად იქნება შეფასებული.

ასოციირების შესახებ შეთანხმებაზე მოლაპარაკებები სამი წლის განმავლობაში მიმდინარეობდა - 2010 წლის ზაფხულიდან დაიწყო და 2013 წლის ივლისში დასრულდა.

„აღმოსავლეთ პარტნიორობის“ სამიტში მონაწილეობისთვის ქართული დელეგაციის წარმომადგენელი დედაქალაქში უკვე ჩავიდა.

100-გვერდიანი დოკუმენტის ყველა გვერდზე საკუთარ ხელმოწერას დააფიქსირებს საქართველოს საგარეო საქმეთა მინისტრის მოადგილე დავით ზალკალიანი.

რაც შეეხება ასოციირების შეთანხმების იმ ნაწილს, რომელიც ევროკავშირთან ღრმა და ყოვლისმომცველი თავისუფალი სავაჭრო სივრცის შესახებ შეთანხმებას ეხება, შეთანხმების ამ ნაწილზე ხელმოწერას დააფიქსირებს ეკონომიკის მინისტრის მოადგილე მიხეილ ჯანელიძე. იგი ვილნიუსში 26 ნოემბერს ეკონომიკის მინისტრ გიორგი კვირიკაშვილთან ერთად ჩავიდა.

მიხეილ ჯანელიძის განცხადებით, აღნიშნული ხელშეკრულების პარაფირებიდან ხელმოწერამდე საქართველო შეეცდება, კანონმდებლობა გააუმჯობესოს და ყველა ის მოთხოვნა დააკმაყოფილოს, რომელიც მომავალ წელს შეთანხმების გაფორმებაში დაეხმარება.

გუშინ ვილნიუსში ასევე ჩავიდა უმრავლესობის დეპუტატი თინა ხიდაშელი, რომელიც დღეს დაგეგმილ საპარლამენტო ფორუმში მიიღებს მონაწილეობას. ვილნიუსში იმყოფებიან საპარლამენტო უმცირესობის წარმომადგენლებიც.

რაც შეეხება უშუალოდ სამიტს, საქართველოს დელეგაციას, პრეზიდენტის ხელმძღვანელობით, ხვალ ელოდებიან. გიორგი მარგველაშვილი ვილნიუსის სამიტზე 29 ნოემბერს სიტყვით გამოვა, ხოლო სამიტის პლენ-

არული სესიის შემდეგ საქართველოს პრეზიდენტის პრესკონფერენციაა დაგეგმილი.

ქართული დელეგაცია ვილნიუსში ვიზიტს 29 ნოემბერს დაასრულებს. ამავე დღეს სრულდება „აღმოსავლეთ პარტნიორობის“ რიგით მესამე სამიტი, რომელსაც ევროკავშირის თავმჯდომარე ქვეყანა მასპინძლობს.

გუშინ საქართველოს პრემიერ-მინისტრმა ირაკლი ღარიბაშვილმა ვილნიუსის სამიტის შესახებ სპეციალური მიმართვა გააკეთა, რომელშიც აღნიშნა, რომ ევროინტეგრაცია ქართველი ხალხის მტკიცე ნებაა. პრემიერი იმედოვნებს, რომ შეთანხმების პარაფირებით ინტეგრაციის პროცესი დაიწყება, რომელიც საბოლოოდ ევროკავშირში გაწევრიანებით დასრულდება:

„ახლოვდება „აღმოსავლეთ პარტნიორობის“ ვილნიუსის სამიტი. ეს ისტორიული სამიტია საქართველოსთვის. ვილნიუსში ასოციირების შესახებ შეთანხმების პარაფირება ჩვენ ვინცებთ ევროკავშირში რეალური ინტეგრაციის უმნიშვნელოვანეს პროცესს, რომელიც, მჯერა, აუცილებლად დაგვირგვინდება საქართველოს ევროკავშირში გაწევრიანებით. ეს არის ჩვენი ხალხის მტკიცე ნება. ეს არის ჩვენი ისტორიული არჩევანი, რომელსაც ალტერნატივა არ აქვს.

საქართველოს სწრაფვას ევროპული ოჯახისკენ, ევროპული ცივილიზაციისკენ, მრავალსაუკუნოვანი ისტორია აქვს. როდესაც ჩვენი დიდი წინაპრები ევროპასთან კავშირების გაბმასა და დაახლოებაზე ზრუნავდნენ, ეს არ იყო მხოლოდ პოლიტიკური არჩევანი. საქართველო ევროპული ქვეყანა თავისი კულტურით, ისტორიითა და, რაც მთავარია, ღირებულებებით. სწორედ ამიტომ, ევროკავშირში ინტეგრაცია არის ერთადერთი გზა, რომელიც შესაძლებლობას მოგვცემს, საქართველო ერთხელ და სამუდამოდ ჩამოყალიბდეს ევროპულ ქვეყნად.

ასოციირების შეთანხმებაზე მოლაპარაკებები სამი წელი გრძელდებოდა. წელს ივლისში ეს მოლაპარაკებები წარმატებით დასრულდა და შეთანხმება პარაფირებისთვის მომზადდა. მომავალ წელს კი აღნიშნულ შეთანხმებას ხელი მოეწერება.

ეს არის ევროკავშირთან დაახლოების ერთ-ერთი ყველაზე ეფექტიანი და რეალური მექანიზმი, რომელიც საქართველოსა და ევროკავშირს შორის თანამშრომლობას ყველა მიმართულებით თვისობრივად ახალ დონეზე აიყვანს.

მეგობრებო, აქვე კიდევ ერთხელ მინდა, გითხრათ, რომ თავად ასოციირების შესახებ შეთანხმება არ გულისხმობს ევროკავშირში განწევრიანებას, მაგრამ იგი ევროკავშირთან დაახლოების იმდენად მაღალ დონეს ითვალისწინებს, რომ, ფაქტობრივად, საქართველოს ევროკავშირში განწევრიანების პროცესი შეუქცევადი გახდება.

საქართველოსა და ევროკავშირს შორის ასოციირების შეთანხმების განუყოფელი ნაწილია ვაჭრობა და ვაჭრობასთან დაკავშირებული საკითხები. ღრმა და ყოვლისმომცველი თავისუფალი სავაჭრო სივრცის ფორმირება ვაჭრობრივად გაუხსნის გზას ჩვენს ქვეყანას ევროკავშირის შიდა ბაზარზე. შორს არ არის ის დრო, როდესაც ქართული პროდუქცია თავისუფლად შევა ევროპის ბაზარზე და წარწერას „დამზადებულია საქართველოში“ სულ სხვა დატვირთვა ექნება. საქართველოში წარმოებული საქონლის დიდი ნაწილი ევროკავშირში შევა ტარიფებისა და კვლევის გარეშე. ამავე დროს, ეს იქნება მნიშვნელოვანი წინაპირობა ქვეყანაში ინვესტიციების მოზიდვისთვის.

ჩვენ სავიზო რეჟიმის შესახებაც ვმუშაობთ და როდესაც ევროკავშირი შესაბამის პოლიტიკურ გადაწყვეტილებას მიიღებს, შესაძლებელი გახდება საქართველოს მოქალაქეებისთვის შენგენის ქვეყნებში უვიზო მიმოსვლის რეჟიმის შემოღება.

საქართველოს ევროპული ინტეგრაცია ჩვენს ქვეყანას მისცემს გაცილებით დიდ შესაძლებლობებს, ააშენოს დემოკრატიული ინსტიტუტები, უზრუნველყოს საკუთარი მოქალაქეების თავისუფლება და უსაფრთხოება. ეს სასარგებლო იქნება არა მარტო საქართველოსთვის, არამედ მთელი რეგიონისთვის. მინდა, მკაფიოდ და მადლიერებით აღვნიშნო, რომ ევროპა მხარს უჭერს საქართველოს აღიარებულ საზღვრებში საქართველოს ტერიტორიულ მთლიანობას და სუვერენიტეტს, აგრეთვე განუხრებლად განაგრძობს ჩვენს თანადგომას დეოკუპაციისა და ანალიზების პოლიტიკის განხორციელების მიმართულებით.

ძვირფასო მეგობრებო! დღეს ჩვენს თაობას წილად ხვდა პატივი, მნიშვნელოვანი ნაბიჯი გადავდგას ევროპისკენ, ჩვენი წინაპრების ოცნების ასრულებისკენ. გილოცავთ ყველას ამ წინსვლას! მჯერა, წინ კიდევ ბევრი წარმატება გველის!“ ამასთან, გუშინ გავრცელდა ინფორმაცია, რომ ვილნიუსის სამიტის დეკლარაციის პროექტის საბოლოო ვარიანტიდან ამოღებულია 49-ე მუხლი, რომელიც უფლებას ანიჭებს ნებისმიერ ევროპულ სახელმწიფოს, თუ ის პატივს სცემს ევროკავშირის ფუნდამენტურ ფასეულობებს, ევროკავშირს განწევრიანების განაცხადით მიმართოს. ინფორმაციას ამის შესახებ „რადიო თავისუფლების“ ევროპის ბიურომ გაავრცელა.

„რადიო თავისუფლების“ ინფორმაციით, დეკლარაციის წინა პროექტში ეს მუხლი არსებობდა. ახალ ვარიანტში კი აღნიშნულია, რომ ვილნიუსის სამიტის მონაწილეები კიდევ ერთხელ ადასტურებენ, რომ აღიარებენ ზოგიერთი პარტნიორის ევროპულ მისწრაფებებსა და ევროპულ არჩევანს, ისევე როგორც მათ მტკიცე პოზიციას, ააშენონ ღრმა და მდგრადი დემოკრატია.

როგორც „რადიო თავისუფლების“ მიერ გავრცელებულ სტატიაშია ნათქვამი, 49-ე მუხლი იურიდიული და სიმბოლური თვალსაზრისითაც მნიშვნელოვანია. „ტექსტში გამოყენებული ფორმულირებების შეცვლა მათ იმითაც შეძლეს, რომ პროექტი „აღმოსავლეთ პარტნიორობის ექვს სახელმწიფოს მოიხსენიებს ქვეყნებად ან პარტნიორ ქვეყნებად, ნაცვლად სახელმწიფოსი. ეს ასევე განიხილება გაფართოების პერსპექტივის შესუსტებად,“ - ნათქვამია „რადიო თავისუფლების“ მიერ გავრცელებულ სტატიაში.

„რადიო თავისუფლების“ ცნობით, ვილნიუსის დეკლარაციის პროექტს, რომელშიც აღნიშნულია აქამდე მიღწეული ასპექტები და ის, თუ რა უნდა მოხდეს 2015 წლის სამიტამდე, საქართველოს, სომხეთის, აზერბაიჯანის, ბელარუსის, მოლდოვასა და უკრაინის წარმომადგენლები 27 ნოემბრამდე შეისწავლიან. ამასთან, „რადიო თავისუფლება“ აღნიშნავს, რომ „აღმოსავლეთ პარტნიორობის“ ქვეყნები შეეცდებიან, დოკუმენტში შეიტანონ გარკვეული ფორმულირება რეგიონში არსებული გაყინული კონფლიქტების შესახებ.

გავრცელებული ინფორმაციით, დეკლარაციის პროექტი არ შეიცვალა პუნქტებს აფხაზეთის, ენ. სამხრეთ ოსეთის, მთიანი ყარაბაღისა და დნესტრისპირეთის კონფლიქტების შესახებ.

„თუმცა, შესაძლოა, „აღმოსავლეთ პარტნიორობის ზოგიერთი ქვეყანა შეეცადოს, დეკლარაციის პროექტში ჩაამატოს პუნქტები ამ სადავო ტერიტორიების შესახებ,“ - ნათქვამია „რადიო თავისუფლების“ მიერ გავრცელებულ სტატიაში. ამ საკითხის შესახებ კომენტარი გააკეთა საქართველოს საგარეო უწყებაში მიაფანჯიკიძემ. მისი თქმით, ევროკავშირის შეთანხმების 49-ე მუხლზე საუბარი აღმოსავლეთ პარტნიორობის ქვეყნებთან არასდროს ყოფილა.

„ეს ინფორმაცია გუშინ გავრცელდა, რადიო თავისუფლებამ“, ხოლო მოგვიანებით ჟურნალისტი დამიკავშირდა კომენტარის ასაღებად. ევროკავშირის შეთანხმების 49-ე მუხლი ითვალისწინებს ევროპული პერსპექტივის გახსნას ევროპის იმ ქვეყნებისთვის, რომლებიც შესაძლებელია ევროკავშირის წევრობის კრიტერიუმებს და ექნებათ ევროკავშირში გაწევრიანების სურვილი. ამ მუხლზე საუბარი არასდროს ყოფილა „აღმოსავლეთ პარტნიორობის“ ქვეყნების მიმართ. ასოციირების შეთანხმება არ ნიშნავს წევრობას ევროკავშირში. ის არის მასთან ძალიან დაახლოების მექანიზმი. აქედან გამომდინარე, არც ერთ დეკლარაციაში, რომელიც მიღებული იყო წინა სამიტებზე პრალასა და ვარშავაში, ნახსენები არ ყოფილა 49-ე მუხლი. ეს მუხლი არც ასოციირების შეთანხმებაში დევს,“ - განმარტა მიაფანჯიკიძე.

მისივე თქმით, „აღმოსავლეთ პარტნიორობის“ სამიტის დეკლარაციაზე „აღმოსავლეთ პარტნიორობის“ ქვეყნები და ევროკავშირი მუშაობენ.

„ეს დეკლარაცია მნიშვნელოვანი დოკუმენტია და მნიშვნელოვანია, იქ ის მესიჯები შევიდეს, რომლებიც ჩვენ გვინდა, რომ გავრცელდეს და მასზე მუშაობა, სავარაუდოდ, სამიტის ბოლო ნუთამდე გავრცელდება. რაც შეეხება 49-ე მუხლს. მე ყოველთვის ვამბობდი, რომ საქართველო მონადინებულია, მიიღოს ევროპული პერსპექტივა, ისე როგორც ეს არის აღნიშნული შეთანხმების 49-ე მუხლში. ამ სურვილის გაცხადებას წინ არაფერი უდგას. ჩვენ ყველა გამოსვლაში ამ სურვილს ვაფიქსირებთ, რათა მკაფიო გავხადოთ ჩვენი ევროპული მისწრაფება. იმედი მაქვს, გარკვეული ეტაპების გავლის შემდეგ ესეც არ იქნება საქართველოსთვის უტოპია და ერთ მშვენიერ დღეს საქართველო ევროკავშირის წევრი გახდება,“ - აღნიშნა მიაფანჯიკიძე.

„დენსუსის“ დასკვნა ვანო მერაბიშვილის საქმეში მტკიცებულებად ჩაიდო

თბილისის საქალაქო სასამართლოში გუშინ 26 მაისის საქმეზე ვანო მერაბიშვილის პროცესი გაიმართა. სასამართლომ არ დააკმაყოფილა პროკურატურის შუამდგომლობა და 26 მაისის მოვლენების შესახებ ამერიკული კომპანია „დენსუსის“ დასკვნა ვანო მერაბიშვილის საქმეში ჩადო.

„დენსუსის“ დასკვნის მტკიცებულებად გამოყენებას დაცვის მხარე ვანო მერაბიშვილის წინასასამართლო პროცესის განმავლობაში ითხოვდა. ადვოკატები ამბობდნენ, რომ იმ შემთხვევაში, თუ აღნიშნული დასკვნა საქმეში არ ჩაიდებოდა, სასამართლო პროცესები აზრს დაკარგავდა.

პროკურატურა კი „დენსუსის“ დასკვნის საქმეში გამოყენებას იმ მოტივით ეწინააღმდეგებოდა, რომ დაცვის მხარეს აღნიშნული დასკვნის ავტორები დასაკითხ მონმეთა სიაში არ ჰყავს შეყვანილი.

გუშინდელ პროცესზე ბრალდების მხარე ასევე ითხოვდა, რომ „დენსუსის“ შესახებ ვანო მერაბიშვილი არ დაკითხულიყო, თუმცა არც ეს შუამდგომლობა დაკმაყოფილდა და სასამართლოს გადაწყვეტილებით, ყოფილი პრემიერ-მინისტრი საქმის არსებითი განხილვისას ამერიკული კომპანიის დასკვნის შესახებ დაკითხება.

ვანო მერაბიშვილმა პროკურორებს მიმართა, რომ მათი სურთ, ბრალდება წინო ბურჯანაძის ჩვენებაზე იყოს აგებული.

„გასაგებია თქვენი პოზიცია, რატომ არ გასურთ ამერიკული კომპანიის დასკვნა საქმეში მტკიცებულებად იყოს და ექსპერტები არ დაიკითხონ. თქვენი მიზანია, რომ ჩემი ბრალდება აგებული იყოს წინო ბურჯანაძის ჩვენებაზე და პროცესებზე დაიკითხონ ბურჯანაძე, მისი ქმარი და მისი ახლობლები,“ - მიმართა ვანო მერაბიშვილმა პროკურორს.

გარდა ამისა, გუშინდელ პროცესზე ვანო მერაბიშვილმა ვილნიუსის სამიტის შესახებ ისაუბრა და აღნიშნა, რომ არც ერთი ადამიანის ბედი არ ღირს იმად, რომ მთელი ერის მომავალი ეჭვქვეშ დადგეს.

„ხვალ იწყება ვილნიუსის სამიტი, ღონისძიება, რომელშიც დასაბამი უნდა დაუდოს ჩვენი მრავალსაუკუნოვანი ოცნების ახდენას - საქართველოს ევროპულ ოჯახში დაბრუნებას.

სამიტის წინ, როგორც უკრაინაში, ისე საქართველოში, ყურადღების ცენტრში მოექცა პოლიტიკური ოპონენტების დევნის საკითხი. ევროკომისარმა გაფართოებისა და სამეზობლო პოლიტიკის საკითხებში შტეფან ფულემ განაცხადა, რომ „თუ საქართველო ერთგული დარჩება იმ ფასეულობების, რაც მნიშვნელოვანია ევროკავშირისთვის და დაამყარებს კანონის უზენაესობას, არ დაუშვებს შერჩევით სამართალსა და ქვეყანაში იქნება თავისუფალი მედია, მაშინ ის უფრო მეტად დაუახლოვდება ევროკავშირს.“

მინდა, დღეს ჩემი პოზიცია მოვახსენოთ ამ საკითხის შესახებ. არც ერთი ადამიანის, მათ შორის არც ჩემი ბედი არ ღირს იმად, რომ ეჭვქვეშ დადგეს მთელი ერის მომავალი. მე უპირობოდ მხარს ვუჭერ ხვალ ევროკავშირის-საქართველოს შეთანხმების ინიცირებას,“ - განაცხადა ვანო მერაბიშვილმა.

რუსმა მესაზღვრეებმა დევანის მთელ პერიმეტრზე ე.წ. საზღვრის აღმნიშვნელი ბანერები დაამონტაჟეს

რუსმა მესაზღვრეებმა იმ ტერიტორიაზე, სადაც თვენახევრის წინ „სასაზღვრო-სადემარკაციო“ სამუშაოები მიმდინარეობდა, მწვანე ფერის ბანერები დაამონტაჟეს. მათზე ერთი მხრიდან ქართულ და ინგლისურ ენებზე, მეორე მხრიდან კი ოსურ და რუსულ ენებზეა მითითებული, რომ ეს ტერიტორია ე.წ. სამხრეთ ოსეთის სახელმწიფო საზღვარს წარმოადგენს.

სოფლის მთელ პერიმეტრზე, მავთულხლართების გაყოლებაზე, დაახლოებით, 6 ბანერია დაამონტაჟებული. ადგილობრივი მოსახლეობა აცხადებს, რომ ამ ტერიტორიაზე გადაადგილებას უკვე ვეღარ შეძლებენ. როგორც ადგილობრივები ვარაუდობდნენ, სამეურნეო სავარგულების მნიშვნელოვანი ნაწილი სწორედ ამ ბანერების მიღმა დარჩა.

ორი დღის წინ რუსი სამხედროები აღნიშნულ ტერიტორიაზე სპეციალური ტექნიკით გამოჩნდნენ და საოკუპაციო ხაზის პერიმეტრებზე მინის მოსწორების სამუშაოებს აწარმოებდნენ.

მეუღლე თინა მეხუზლა, და მანანა კვირიკაძე, შვილი ქეთევანი, შვილიშვილი დანიელი და სიძე გოჩა გოგებაშვილი იუნყებთან გვი ბენიას ძე კვირიკაძის გარდაცვალებას. პანაშვიდი: 28-29 ნოემბერი, 17:00 საათი დაკრძალვა: 30 ნოემბერი, 14:00 საათი მისამართი: გრიბოედოვის ქუჩა, ნომერი 18.

ტარიელ მეხუზლა, ოჯახით, მწუხარებას გამოთქვამს ცოლის ძმა გვი ბენიას ძე კვირიკაძის გარდაცვალების გამო და თანაუგრძნობს გარდაცვლილის ოჯახს.

ამერიკული ბომბდამშენები ჩინეთის „ჰაერსაინააღმდეგო თავდაცვის ზონაში“ შეფრინდნენ

ამერიკის სამხედრო თვითმფრინავები აღმოსავლეთ ჩინეთის ზღვის რაიონში შეფრინდნენ, რომელიც ჩინეთის ხელისუფლებამ ცოტა ხნის წინ „ჰაერსაინააღმდეგო თავდაცვით ზონად“ გამოაცხადა. პენტაგონის ოფიციალური წარმომადგენლის, პოლკოვნიკ სტივ ოურენის განცხადებით, ორმა ბომბდამშენმა სენკაპუს კუნძულებს გადაუფრინა. ამ კუნძულების ჯგუფზე ჩინეთი აცხადებს პრეტენზიას. გავრცელებული ინფორმაციით, თვითმფრინავების ბორტზე სტრატეგიული იარაღი არ იყო, ჩინეთის ხელისუფლებაც ამ ფრენის შესახებ წინასწარ ინფორმირებული არ ყოფილა. ჩინეთის თავდაცვის უწყების განცხადებით, ჩინელი სამხედროები ამერიკული ბომბდამშენების ფრენას აკვირდებოდნენ. შაბათს პეკინმა განაცხადა, რომ ამ ზონაში ნებისმიერი ფრენა წინასწარ უნდა იყოს შეთანხმებული, მფრინავებმა კი ჩინური მხარის მოთხოვნები უნდა შეასრულონ.

ტაილანდის ოპოზიცია მთავრობის გადადგომას „მშვიდობიანი შტურმით“ გეგმავს

ტაილანდში უკვე მეოთხე დღეა, მშვიდობიანი ანტისამთავრობო გამოსვლები გრძელდება. საპროტესტო გამოსვლები, დედაქალაქის გარდა, სხვა პროვინციებშიც მიმდინარეობს. 27 ნოემბერს ოპოზიციონერებმა, რომლებიც მთავრობის გადადგომას ითხოვენ, რამდენიმე ქალაქის მერიის შესავლელი ჩაკეტეს. ოპოზიციის ერთ-ერთი ლიდერის სუტხებუ ტაუგსუბანის განცხადებით, ისინი მშვიდობიანი გზით აპირებენ ხელისუფლების მთავარ ორგანოებში შეჭრას ან მათი მუშაობისათვის ხელის შეშლას: „ეს სისხლისღვრის გარეშე რეჟიმის გადაყენების საუკეთესო გზაა. ჩვენ, უბრალოდ, მივალთ, დავსხდებით და დაველოდებით,“ - დანერა ტაუგსუბანმა „ფივისუქის“ საკუთარ გვერდზე. „24 საათი“ უკვე იუწყებოდა, დემონსტრაციები მას შემდეგ დაიწყო, რაც ამნისტიის კანონპროექტის შესახებ გახდა ცნობილი. ეს კანონპროექტი გადაყენებული პრემიერის ტაქსინ ჩინავატის ამნისტიას ითვალისწინებდა. თუმცა სენატმა ნოემბრის დასაწყისში ის უარყო. ამჟამად ტაილანდის პრემიერ-მინისტრი ტაქსინის უმცროსი და ინგლაკ ჩინავატია.

მოსკოვში 14 შეიარაღებული ისლამისტი დააკავეს

რუსეთის შინაგან საქმეთა სამინისტროს განცხადებით, მოსკოვში უზენაესი სასამართლოს მიერ აკრძალული ექსტრემისტური ორგანიზაცია „ალ-ტაკვირ ვალ-ჰიჯრას“ 14 წევრი დააკავეს. პოლიციის განცხადებით, მათ ასაფეთქებელი მოწყობილობები, იარაღი და ექსტრემისტური ლიტერატურა აღმოაჩინდათ. სამინისტროს პრესსამსახურის განცხადებით, 14-ვე წევრი 26 ნოემბრის საღამოს მოსკოვის გარეუბანში აიყვანეს. „ალ-ტაკვირ ვალ-ჰიჯრას“ გაერთიანება ეგვიპტეში 1970-იან წლებში შეიქმნა და იდეოლოგიურად „ალ-ქაიდასთან“ არის დაკავშირებული.

ეგვიპტელმა პროკურორმა ორი წამყვანი აქტივისტის დაკავების ბრძანება გასცა

„როიტერის“ ცნობით, ეგვიპტელმა პროკურორმა ორი გამოჩენილი აქტივისტის დაკავების ბრძანება გასცა, რომლებსაც საპროტესტო გამოსვლების ნახა-ლისება ედებოდა ბრალად. ერთ-ერთი მათგანი იმ ჯგუფის წევრია, რომელმაც ჰოსნი მუბარაქის წინააღმდეგ საპროტესტო გამოსვლების ორგანიზებაში დიდი წვლილი შეიტანა. 6 აპრილის ახალგაზრდული მოძრაობის ლიდერ აჰმედ მაჰერისა და ალა აბდელ ფატაჰის დაპატიმრების ბრძანება მას შემდეგ გაიცა, რაც მათ სამამაბათს პარლამენტის შენობის წინ გამართულ დემონსტრაციებში მიიღეს მონაწილეობა. ცნობისათვის - ცოტა ხნის წინ ეგვიპტეში ახალი კანონი მიიღეს, რომელიც დემონსტრაციებს ზღუდავს. ამ კანონის მიღების გამო ამერიკამ შემოთთება უკვე გამოთქვა.

სომხეთის პრეზიდენტობის ექს-კანდიდატი ქვეყნის საზაჟო კავშირში განეკუთვნებას აპროტესტებს

26 ნოემბერს პარტია „ეროვნული თვითგამორკვევის“ ლიდერმა პარუი აირიკანმა წრევანში პრეზიდენტის ადმინისტრაციის შენობის წინ საპროტესტო აქცია გამართა. აქციაში 50-მდე ადამიანი მონაწილეობდა. ისინი სომხეთის საზაჟო კავშირში განეკუთვნებაზე უარის თქმას მოითხოვდნენ. დემონსტრანტებს ხელში ეჭირათ პლაკატები წარწერით: „ვილინუსი ან გადადგომა“, „არა საბაჟო კავშირს“, „არა რუსეთის იმპერიას“. „ნოვოსტი არმენიას“ ცნობით, აქციის მსვლელობის დროს პოლიციასა და დემონსტრანტებს შორის დაპირისპირებას ადგილი არ ჰქონია. სექტემბერში სომხეთისა და რუსეთის პრეზიდენტის შეხვედრის შემდეგ ცნობილი გახდა, რომ სომხეთი ევროკავშირთან ასოცირების ხელშეკრულებაზე უარს ამბობს და რუსეთ-ბელარუს-ყაზახეთის საზაჟო კავშირში განეკუთვნებას გეგმავს.

მომზადდა თამთა კახაძემ

ბერმანიში ფართო მხარეთა კოალიცია შეიქმნა

ივა შილაქაძე

მოქმედ კანცლერ ანგელა მერკელის მემარჯვენივ-ცენტრისტულმა ბლოკმა, ქრისტიანულ-დემოკრატიული კავშირისა და ქრისტიანულ სოციალური კავშირის შემადგენლობით, რთული, ხუთკვირიანი მოლაპარაკებების შემდეგ მთავარ მონაწილედ მემარჯვენივ-ცენტრისტულ „სოციალურ-დემოკრატიულ პარტიასთან“ კოალიციის შექმნის შესახებ შეთანხმება მოახერხა.

დაძაბული მოლაპარაკებების ბოლო რაუნდი 17 საათს გრძელდებოდა. ამის მიზეზი, მათ შორის, ის იყო, რომ დღეს ანგელა მერკელი აღმოსავლეთ პარტნიორობის სამიტში მონაწილეობისთვის ვილინუსში მიემგზავრება. მერკელი ამ ფორუმის გამოტოვების კატეგორიული წინააღმდეგი იყო.

ქრისტიანულ-დემოკრატიული კავშირისა და ქრისტიანულ-სოციალური კავშირის ბლოკი 22 სექტემბერს ჩატარებულ არჩევნებზე პირველ ადგილზე გავიდა და მას სულ ცოტა დააკლდა აბსოლუტურ უმრავლესობამდე, რაც მთავრობის დამოუკიდებლად ჩამოყალიბების უფლებას მისცემდა. მათ ხმების 41,5 პროცენტი მიიღეს, სოციალ-დემოკრატიკმა - 26 პროცენტი, მემარჯვენივმა (ყოფილმა კომუნისტებმა) - 8,6 პროცენტი, ხოლო „მწვანეებმა“ - 8,4 პროცენტი. ბარიერი ვერ გადალახეს და ბუნდესტაგში ვერ მოხვდნენ ქრისტიან-დემოკრატიების ტრადიციული კოალიციური პარტნიორები თავისუფალი-დემოკრატები, ამიტომ იდეოლოგიურ მონაწილედ გეგმებს შორის მოლაპარაკებები გაიწვია. სოციალ-დემოკრატიკამდე მემარჯვენივებმა მოლაპარაკება „მწვანეებ-



თან“ სცადეს, მაგრამ უშედეგოდ.

დადებული კოალიციური ხელშეკრულება 170-გვერდიანია და ის საზოგადოებას ოფიციალურად გუშინ საღამოს პრესკონფერენციაზე წარუდგინეს. ამ პრესკონფერენციაში ქრისტიანულ-დემოკრატიული კავშირის ლიდერი ანგელა მერკელი, ქრისტიანულ-სოციალური კავშირის ლიდერი ჰორსტ ზეჰპოფერი და სოციალ-დემოკრატიული პარტიის თავმჯდომარე ზიგმარ გაბრიელი მონაწილეობდნენ.

ყველაზე რთული პარტიების წინასაარჩევნო პრიორიტეტების შეჯერება აღმოჩნდა. ცხადია, ორივე მხარეს გარკვეულ კომპრომისზე წასვლა მოუწია. შეთანხმდნენ, რომ მინიმალური ანაზღაურება მომავალი წლის იანვრიდან (სხვა მონაცემებით, 2015 წლის იანვრიდან) დაწესდება საათში 8,5 ევროს ოდენო-

ბით, რასაც სოციალ-დემოკრატიები მოითხოვდნენ. ცვლილებები შეეაგრეთვე საბენისი უზრუნველყოფის კანონში - შემცირდება საპენსიო ასაკი. გადასახადების არანაირი მომატება არ მოხდება - ეს მერკელის კოალიციის საკვანძო მოთხოვნა იყო. სავარაუდოდ, 2015 წლის შემდეგ გერმანია სასესიო ვალდებულებებს თავის თავზე აღარ აიღებს. ხელშეკრულების სხვა ძირითადი საკითხებიდან შეიძლება გამოვყავთ აგრეთვე ცვლილებები მოქალაქეობის მიღების კანონში, რაც გულისხმობს ორმაგი მოქალაქეობის შემოღებას უცხოელი მშობლების გერმანიაში დაბადებული შვილებისთვის. აქამდე მოქმედი კანონით, 23 წლის ასაკამდე ასეთ პირს უნდა აერჩია, თავისი მშობლების სახელმწიფოს მოქალაქეობას მიიღებდა თუ გერმანიას.

იანუკოვიჩი: ევროპისკენ წავალთ, ოღონდ მოგვიანებით

პირველი გვერდიანი

ოფიციალური კვიეი აცხადებს, რომ ქვეყნის გეოპოლიტიკური კურსი უცვლელია და ევროპასთან დასახლოვებლად მუშაობა ერთი ნუთითაც არ შეჩერდება. პარალელურად კვიეში საპროტესტო აქციები არ წყდება. უფრო მეტიც, ამ აქციებმა უფრო კონსოლიდირებული სახე მიიღო.

კვიეში ევროპული კურსის მომხრეთა ორი აქცია გაერთიანდა და ამაში გარკვეული წვლილი შეიტანა ციხეში, უფრო სწორად, ხარკოვის საავადმყოფოში პატიმრობაში მყოფმა ექს-პრემიერმა იულია ტიმოშენკომ. გუშინდელ დღემდე უკრაინის დედაქალაქის ცენტრში ორი აქცია მიმდინარეობდა - ევროპის მოედანზე, ოპოზიციური საპარლამენტო პარტიების ხელმძღვანელობით და დამოუკიდებლობის მოედანზე, სტიქიურად, ძირითადად, ახალგაზრდებისა და სტუდენტების მონაწილეობით. ეს უკანასკნელები მხოლოდ უკრაინის ევროპული კურსისთვის იბრძვიან და ვინროპარტიული ინტერესები და სიმბოლიკა აღიზიანებთ. ტიმოშენკომ მომხრეებს მოუწოდა. პროგრესულად მოაზროვნეთა ძალებს ნუ დაქსაქსვენ და მთავარი მიზნის მისაღწევად გაერთიანდნენ. მანვე პოლიტიკურ პარტიებს მოუწოდა, აქციების მართვაში სტუდენტები ჩართონ, რადგან ეს მნიშვნელოვანი ძალაა. ოთხშაბათს, გამთენიისას, პოლიტიკური პარტიების აქცია ევროპის მოედანიდან დაიძრა და ხრემ-ჩატიკის გავლით დამოუკიდებლობის მოედანზე სტუდენტებს შეუერთდა. ევროპის მოედანზე ოპოზიციონერებმა თვითონ დაამალეს კარგების ქალაქი და დამოუკიდებლობის მოედანზე გადაიტანეს. ახალგაზრდები მათ ოვაციებით შეხვდნენ. მსვლელობისას მანიფესტანტები ყვიროდნენ «იულიას თავისუფლება, უკრაინას ევროკავშირი!» აშკა-

რად შემცირებული იყო, თუმცა ზოგს მაინც ეკავა ხელში პარტიული დროშები.

ტიმოშენკომ პატიმრობის პირობებში გუშინ უკვე მესამე დაბადების დღე «იხეიმა». 27 ნოემბერს ის 53 წლის გახდა. მასთან საავადმყოფოს პალატაში შესვლის უფლება დართეს მის ადვოკატ სერგეი ვლასენკოსა და ქალიშვილს ვეგენიას. ამ უკანასკნელისთვისაც ეს არ იყო გრძელვადიანი პაემანი. ისიც დედასთან მისი დამცველის სტატუსით შეუშვეს. შვილმაც, ადვოკატმა ცაც და საავადმყოფოსთან შეკრებილმა მომხრეებმაც იულია ტიმოშენკოს შიმშილობის შეწყვეტისკენ მოუწოდეს.

სამშაბათს, გვიან საღამოს, უკრაინულ ტელეარხებს ინტერვიუ მისცა უკრაინის პრეზიდენტმა ვიქტორ იანუკოვიჩმა, რომელიც მან ევროინტეგრაციის გზაზე პაუზის გაკეთების აუცილებლობა განმარტა. პრეზიდენტის თქმით, უკრაინის ეკონომიკის ამჟამინდელი მდგომარეობით ევროკავშირთან თავისუფალი ვაჭრობის ხელშეკრულების გაფორმება არ შეიძლება, რადგან შემხვედრი პირობები დამამცირებელია. უკრაინის პრეზიდენტის განცხადებით, ხელმოწერა შედგება მაშინ, როცა უკრაინა უკეთესად იქნება მომზადებული. ახლა კი ეს თავის ყოველზე გაყოფას ნიშნავს. იანუკოვიჩი აღნიშნავს, რომ აუტობული 21 ვალდებულებიდან 19 შესრულებულია, დანარჩენს კი უკრაინა ახლა ვერ შეასრულებს, რადგან ჯერ ის არის გასარკვევე, როგორ იცხოვრებენ მომავალი წლის განმავლობაში.

ტიმოშენკოს შესახებ კი აღნიშნა, რომ ექს-პრემიერმა უკრაინას ჯერ ის ზარალი უნდა აუნაზღაუროს, რაც თავისი გადაწყვეტილებებით მიაცენა და შემდეგ ითხოვოს გათავისუფლება. იანუკოვიჩის თქმით, მიუხედავად იმისა, ტიმოშენკოს გაუშვებენ თუ არა, უკრაი-

ნას ამ კაბალური ხელშეკრულების გამო ზედმეტი მილიარდების გადახდა 15 წელი მოუწევს. უკრაინის პრეზიდენტი მიიჩნევს, რომ ეს ყველაფერი ჯერ კიდევ გასარკვევია სასამართლოში, ტიმოშენკო კი სასამართლომდე საქმის მიყვანას აჭიანურებს. იანუკოვიჩის თქმით, აქ ევროკავშირის მოთხოვნა მეორეხარისხოვანია. უკრაინის პრეზიდენტმა არ დამალა, რომ ევროკავშირისგან «ზედმეტი ულტიმატუმების» გამო ნანწყინა. მან თქვა, რომ ორი-სამი წლის წინათ ამ ხელშეკრულებებს თვალდაუჭყლად მოაზრდა ხელს, ახლა კი ამდენი პირობის შემდეგ უკვე სხვა პოზიცია აქვს.

დაახლოებით, იმავე ეკონომიკური პრობლემებით ახსნა ხელშეკრულების შეჩერება პრემიერ-მინისტრმა ნიკოლაი აზაროვმა. მისი სიტყვებით, ევროპელებთან შეხვედრებისას ყოველთვის საუბრობდნენ რუსეთის ზენოლასა და იმ დანაკარგზე, რასაც ქვეყანა ევროპასთან ხელშეკრულების ხელმოწერისას რუსეთის პოზიციის გამო განიცდიდა. აზაროვმა თქვა, რომ ევროპას პრეტენზიას არ უყენებენ, მაგრამ გაჭირვების დროს პარტიონები და მეგობრები ერთმანეთს ეხმარებიან. როგორც პრემიერი დასძენს, ევროკავშირის საბერძნეთის, ესპანეთისა და პორტუგალიის დახმარება 450 მილიარდი ევრო დაუჯდა, უკრაინის დახმარებისთვის საჭირო თანხა კი ბევრად ნაკლებია. ამით აზაროვმა არაპირდაპირ დაადასტურა, დაახლოებით, რა მასშტაბის დახმარების იმედი ჰქონდათ, თუმცა, ეტყობა, არ გაითვალისწინა, რომ მის მიერ ჩამოთვლილი სახელმწიფოები ევროკავშირის და, უფრო მეტიც, ევროპის წევრები არიან. ამას გარდა, სწორედ ამ კრიზისის შემდეგ არც ევროპას აქვს თავისუფალი მილიარდები.

უკრაინის ევროინტეგრაციის საკითხს იტალიაში ყოფნისას შე-

იგვეგება გადასახადის შემოღება გერმანიის ჩქაროსნულ ატომოგისტრატებზე გადისთვის. თავიდან ქრისტიან-დემოკრატიები ამას ეწინააღმდეგებოდნენ, თუმცა საბოლოოდ შეთანხმდნენ, რომ ამ გადასახადს მხოლოდ მსუბუქი ავტომანქანებით გერმანიაში შესული უცხოელები გადაიხდიან. შესაბამისი კანონის მიღება 2014 წელს იგეგმება.

უკვე ცნობილია, რომ გერმანიის „სოციალ-დემოკრატიული პარტია“ კაბინეტში 6 პორტფელს მიიღებს, ქრისტიანულ-დემოკრატიული კავშირი - 5 პორტფელს და ფედერალური კანცლერის თანადებობას (მინისტრის რანგში), ხოლო ქრისტიანულ-სოციალური კავშირი მინისტრის 3 პორტფელს. ჯერ უცნობია, თუ რომელი პარტია რომელი მინისტრების პორტფელს მიიღებს. მოგვიანებით გამოცხადდება აგრეთვე კაბინეტის პერსონალური შემადგენლობაც, რადგან „სოციალ-დემოკრატიულმა პარტიამ“ კოალიციური ხელშეკრულება „პარტიულ აქტივს“ ანუ პარტიის საშუალო რგოლის წარმომადგენლებს უნდა შეუთანხმოს. ეს მინი რეფერენდუმი დეკემბრის დასაწყისში იგეგმება ფოსტის საშუალებით. ალბათ მხოლოდ ამის შემდეგ გამოცხადდება, თუ ვინ რომელი მინისტრის პოსტს დაიკავებს და უკვე 17 დეკემბერს, სავარაუდოდ, ანგვლავ მერკელი დადებს ფიცს, როგორც გერმანიის ახალი კანცლერი. ეს ამ თანამდებობაზე მისი მესამე ვადა იქნება. ქრისტიან-დემოკრატიების და სოციალ-დემოკრატიების ფართი „შავ-ნოთელი“ კოალიცია გერმანიას უკვე მართავდა 2005-2009 წლებში.

ახალი წელი მასეო პარკერთან ერთად

იმ შემთხვევაში, თუ ახალი წლის ღამის გატარება არც ოჯახურ გარემოში გასურთ, არც კარის მეზობლის ხმაურიან სუფრაზე და არც თბილისის მერიის მიერ ორგანიზებული ღონისძიებები გხიბლავთ, მაშინ თბილისის ივენთ ჰოლში გირჩევთ წასვლას, სადაც 2014 წელს ლეგენდარულ საქსოფონისტ მასეო პარკერთან ერთად შეხვდებით.

ვინც 2013 წელს ასევე ივენთ ჰოლში შეხვდა, ალბათ დღემდე აქვს გამოყოფილი „ინკოგნიტოს“ მიერ სცენაზე დანთებული ცეცხლის მხურვალეობა. მომავალ წელს ამ დროს კი სულ სხვა განწყობა გვექნება - მასეო პარკერის განწყობა, რომელიც თბილისში მსუყე პროგრამით, შვიდკაციანი ბენდითა და განსაკუთრებული სტუმრით ჩამოვდის. ეს დენის როლინზია, ტრომბონისტი, რომელიც თბილისის შორეულ 2002 წელს თავის ბენდთან ერთად სტუმრობდა (აქვე ლირიკულ გადახვევას გავაკეთებთ და მაშინდელი ფესტივალის სხვა მონაწილეებსაც გავიხსენებთ: ელ ჯერო, ბობ მინცერი, პი ვი ელისი...). ამჯერად კი როლინზი იმ მუსიკოსთან ერთად ჩამოვდის, რომელსაც The funkier living saxophonist ever-ს უწოდებენ და რომელსაც ახლა მხოლოდ ერთი განზრახვა ამოძრავებს - 31 დეკემბერს ყველაზე დაუვიწყარი, გიჟური, შუშხუნა და ხმაურიანი ღამე მოგვიწყოს.

ასეთი განწყობით ჩამოვდის დენის როლინზიც და ბენდის დანარჩენი წევრებიც: პიანისტი ბილ ბულვერი, გიტარისტი ბრუნო სპეიტი, ბასისტი როდნი Skeet კერტისი, დრამერი მარკუს პარკერი და მომღერლები მარტა ჰაი და დარლინ პარკერი.

ასაკის მიუხედავად (ის 70 წლისაა) მასეო პარკერი აქტიურ სასცენო მოღვაწეობას ეწევა. ამჟამად ტურნეში იმყოფება. ნოემბერსა და დეკემბერში ის საფრანგეთის რამდენიმე ქალაქს მოივლის, იანვრიდან ამერიკაში გადაინაცვლებს, თბილისში კი ამ ორ ქვეყანას შორის გაზად „შემოიბრუნებს“.

ერთი ასეთი „შემოიბრუნა“ მასეო პარკერს ადრეც ჰქონია - ის 2009 წლის შავი ზღვის ჯაზფესტივალის ჰელდაინერი გახლდათ და მაშინაც დენის როლინზი ახლდა. ეს იყო ალბათ ერთ-ერთი ყველაზე დასამახსოვრებელი და, ამავდროულად, შეშლილი კონცერტი, რომელმაც



თითქმის მთლიანად თავსხმა წვიმის ფონზე ჩაიარა. სახეგაბადრული მასეო პარკერი მთელი გულით გვეხვეწებოდა წვიმაში არ ვმდგარიყავით და გვეპირდებოდა, რომ კონცერტს გამოდარებისთანავე განახლებდა, მაგრამ კონცერტის დასაწყისიდანვე ფანკის რიტმებზე მომართული მსმენელის დაყოლიება შეუძლებელი აღმოჩნდა. ჩვენი ასეთი თავდადება მუსიკოსმა ბოლომდე დააფასა და საოცარი კონცერტი ჩაატარა.

ასეთი იქნება 31 დეკემბრის ღამეც, რომელზეც მუსიკოსი ყველა დროის საუკეთესო კომპოზიციებს შეასრულებს. მათ შორის, იმ ჰიტებ-

საც, რომლებსაც ჯეიმს ბრაუნთან ან „პარლამენტ ფანკადელიკთან“ თანამშრომლობისას ასრულებდა.

მასეო პარკერი საეკლესიო მომღერლების ოჯახში დაიბადა, ერთი ძმა დრამზე უკრავდა, მეორე - ტრომბონზე. ჯეიმს ბრაუნის ბენდს სწორედ დრამერ ძმა მეღვინთან ერთად შეუერთდა, რის შესახებაც ჯეიმს ბრაუნი ავტობიოგრაფიაშიც წერდა: „მე მხოლოდ მეღვინის აყვანა მიწოდდა, მაგრამ მთხოვა, მისი უმცროსი ძმისთვისაც მომეხმინა და შანსი მიმეცა“. პარკერებმა ბრაუნთან 60-70-იან წლებში ითანამშრომლეს და რამდენიმე ალბომიც ჩანერგეს, 1975 წელს კი მასეო პარკერი

ფრედ უესლისთან და ჯეიმს ბრაუნის ბენდის რამდენიმე წევრთან ერთად ჯორჯ კლინტონის „პარლამენტ ფანკადელიკში“ გადავიდა, თუმცა 80-იანების ბოლოს ის მაინც დაუბრუნდა ბრაუნს. 90-იანი წლებიდან პარკერმა სოლო კარიერა წამოიწყო, პერიოდულად კი პრინცთან, Living Colour-თან, ბრაიან ფერისთან, ბუტსი კოლინზთან, Dave Matthews Band-თან და სხვა მუსიკოსებთან თანამშრომლობდა.

მასეო პარკერის კონცერტს TBC Status გვთავაზობს ისევე, როგორც უკვე ტრადიციად ქცეულ ჯაზსერიასაც, რომელიც 2014 წლის თებერვლიდან დაიწყება და მაისამდე გას-

ტანს. წლევანდელი ჯაზსერია ოთხი კონცერტისგან შედგება: 14 თებერვალს ივენთ ჰოლში ვიბროფონისტ მარტა, რომელიც მომღერალ კენი ვაშინგტონს წარმოგიდგენს; 13 მარტს ამავე სივრცეში პანამელ პიანისტ დანილო პერეზსა და მის კვარტეტს მოვუსმენთ; 27 აპრილს მსმენელი წლევანდელი შავი ზღვის ჯაზფესტივალის მონაწილე ბასისტ ვიქტორ ვუტენის ბენდს მოუსმენს, ხოლო 17 მაისს 2014 წლის ჯაზსერიას მესაყვირე ტერენს ბლანშარდის კვინტეტი დახურავს.

ფოტოების ავტორი გიგა გურასაშვილი

ბრიტანული დასი ბათუმში

ბრიტანეთის საბჭოსა და აჭარის განათლებისა და კულტურის სამინისტროს ერთობლივი ძალისხმევით შედეგად 5-7 დეკემბერს ბათუმში ინოვაციური ბრიტანული დასის The Paper Cinema სპექტაკლები გაიმართება.

ბათუმელი მაყურებელი და ქალაქის სტუმრები იხილავენ თანამედროვე, არაორდინალური კომპანიის ფიიფერ სინემასა და ბათერსი არტ ცენტრის ერთობლივი პროექტით კიდევ ერთხელ გაცოცხლებულ ოდისეას“ ჰომეროსის მარად უკვდავი მემკვიდრეობიდან, გადმოცემულს ლამაზი ილუსტრაციების, ცოცხალი მუსიკის და თოჯინების ოსტატური გამოყენების საშუალებით.

ოდისეა“ არის კინემატოგრაფიული პროექციისა და გარდასახვის ხელოვნების არაჩვეულებრივი სინთეზი, ვინაიდან ქალაქისგან გამოჭრილი თოჯინებით სავსე ჩემოდანი სცენაზევე გარდაქმნება ცოცხალ პერსონაჟებად და ულამაზეს პეიზაჟებად. ამასთანავე, თქვენს თვალწინ იქმნება მუნჯი კინო, რომლის ილუსტრაციასაც ბრწყინვალე მუსიკოსების მიერ ცოცხლად შესრულებული მუსიკა ახდენს, რომე-

ლიც სპექტაკლის ორგანული ნაწილია.

დასი იყენებს ანიმაციის, მუსიკის, კინოსა და თეატრის ენას, რათა მაყურებელს მოუთხროს ისტორიები. კალმითა და მელნით ოსტატურად შესრულებული ილუსტრაციების მანიპულირება ხდება რეალურ დროში - ცოცხლად, ვიდეოკამერის მიერ და პროექტირდება დიდ ეკრანზე. ეს ყოველივე ხდება ცოცხლად შესრულებული მუსიკის თანხლებით.

კომპანია The Paper Cinema 2004 წელს დააარსეს ნიკოლას როულინგმა, იმოჯენ ჩარლსტონმა და კრისტოფერ რიდმა. კომპანია თავისთავად მხოლოდ მათთვის დამახასიათებელ ორიგინალურ შემოქმედებას აცნობს მაყურებელს როგორც დიდ ბრიტანეთში, ასევე მის ფარგლებს გარეთაც.

კომპანიას არაჩვეულებრივი გამოხატულება აქვს პრესაშიც. გთავაზობთ რამდენიმე მათგანს:

უზარმაზარი ოსტატობა... აშკარად ფევეტური (TIMES).

დახვეწილად შესრულებული სპექტაკლი, რომელიც აუცილებლად ალგაფრთოვანებთ“ (TELEGRAPH).

ეპიკური, გამომგონებლური თავგადასავალი“ (TIME OUT).

ჰომეროსის ისტორიის ოსტატური გადამუშავება“ (ლინ გარდნერი, THE GUARDIAN).

აცოცხლებს ამბავს ისე საინტერესოდ, რომ გახსენდებათ თუ მართლაც რა კარგია ის“ (სალი სკოტი, The Scotsman).

კომპანიის მოწვევა გადაწყდა ბრიტანეთის საბჭოსა და აჭარის განათლების, კულტურისა და სპორტის სამინისტროს ერთობლივი თეატრალური პარტნიორობის პროექტის ფარგლებში, რომლის განხორციელება 2012 წელს დაიწყო ურთიერთშეთანხმების მემორანდუმის გაფორმების საფუძველზე. ორივე მხარე იმედოვნებს, რომ ეს თანამშრომლობა ემსახურება საერთო მიზანს - საქართველოს, კერძოდ აჭარის და დიდი ბრიტანეთის ტრადიციული და თანამედროვე ხელოვნების გაცნობას, უშუალო და პირდაპირ თანამშრომლობას კულტურისა და ხელოვნების სფეროში, რაც მთავარია, თეატრალური ხელოვნების განვითარებას და ახალი კოპროდუქციების შექმნას. 24 საათი

მათთვის, ვინც ასოცირაციის ხელშეკრულებით გვაპინებს



პირველი გვარდია

საქართველო ამჟამად, სხვა შეღავათიან რეჟიმებთან ერთად, პრეფერენციათა განზოგადებული სისტემით (GSP+) სარგებლობს. ზოგადად ამ შეღავათის მთავარი იდეაა, განვითარებულმა ქვეყნებმა ხელი შეუწყონ ექსპორტის ზრდას განვითარებადი ქვეყნებიდან. პრეფერენციათა განზოგადებული სისტემის არსი ბენეფიციარი ქვეყნებისთვის დაბალი საიმპორტო ტარიფების დაწესებაა, რაც განვითარებადი ქვეყნებს განვითარებული ქვეყნების ბაზრებზე შეღწევის გაუადვილებს. პრეფერენციათა განზოგადებული სისტემა საქართველოს შემდეგმა ქვეყნებმა და ქვეყანათა ჯგუფებმა მიანიჭეს: ევროკავშირი, აშშ, იაპონია, კანადა, შვეიცარია და ნორვეგია. აშშ-ს პრეფერენციული სქემა პროდუქტთა ვრცელ ჩამონათვალს მოიცავს, მათ შორის საქართველოს ყველაზე მნიშვნელოვან საქსპორტო პროდუქტებს, როგორცაა კაკალი, ჩირი, მინერალური წყლები, ზოგიერთი სახეობის ლინო, სპილენძი, ფეროშენადნობები და სხვ.

თუ GSP-ის შემთხვევაში პრეფერენციების სქემა 3,300 დასახელების პროდუქტს მოიცავდა, რომელთა იმპორტი ევროკავშირში საბაჟო ტარიფებისგან თავისუფლდებოდა, GSP+ ფარავს 7,200 დასახელების ქართულ პროდუქტს, რომლებიც შეიძლება, ევროკავშირის ბაზარზე ნულოვანი საბაჟო განაკვეთით მოხვედეს. ეს მნიშვნელოვანი ნაბიჯია საქართველოს ექსპორტის ხელშეწყობის თვალსაზრისით.

მართალია, ამჟამად საქართველო ვერ სარგებლობს ბევრი იმ შეღავათიანი და პრეფერენციით, რომლებიც მინიჭებული აქვს, თუმცა პოტენციული უზარმაზარია და სწორი მიდგომის შემთხვევაში შესაძლებელია, ამ პრეფერენციების გამოყენება ქვეყნის ეკონომიკური განვითარებისთვის.

თუმცა დღეს არც იმის თქმა შეიძლება, რომ საქართველო ამ შესაძლებლობას საერთოდ ვერ იყენებს.

ჯერ კიდევ 2005 წელს, სანამ რუსეთი საქართველოზე ემბარგოს დაანესებდა და საქართველო ჯერ კიდევ დსთ-ს წევრი იყო, საქართველოს ექსპორტი ევროკავშირის ქვეყნებში მნიშვნელოვნად აღემატებოდა მის ექსპორტს რუსეთის ფედერაციაში, რომლის ბაზრის დაკარგვა და ახლა დაბრუნების სურვილი საქართველოში ზოგისთვის ეკონომიკური აღმავლობის ერთადერთი წინაპი-

რობაა. 2005 წელს ევროკავშირის ქვეყნებში საქართველოს ექსპორტი 216 მილიონ აშშ დოლარს შეადგენდა, ხოლო რუსეთში - 153 მილიონ აშშ დოლარს.

დღეს კი ევროკავშირი საქართველოს ერთ-ერთი უმსხვილესი სავაჭრო პარტნიორია, რომელზეც სავაჭრო ბრუნვის 27 პროცენტი ანუ წელიწადში, საშუალოდ, 2,8 მილიონი აშშ დოლარი მოდის. საშუალო წლიური ექსპორტი 400 მილიონ აშშ დოლარს შეადგენს, რაც საქართველოს მთლიანი ექსპორტის 15-16 პროცენტია. საშუალო წლიური იმპორტი კი 2.4 მილიარდი აშშ დოლარის ტოლია და მთლიანი იმპორტის 29-31 პროცენტს შეადგენს. ევროკავშირში ძირითად საქსპორტო პროდუქტებს შორის არის კაკალი, თხილი, ღვინო, მინერალური წყლები, ალკოჰოლური სასმელები, ხილისა და ბოსტნეულის წვენები, უალკოჰოლო სასმელები, მინერალური სასუქები, ჯართი და სხვა. ამ მონაცემებს ზრდის სერიოზული პერსპექტივა აქვს მას შემდეგ, რაც ღრმა და ყოვლისმომცველი თავისუფალი ვაჭრობის ხელშეკრულება ძალაში შევა.

თუ საქართველო ღრმა და ყოვლისმომცველი თავისუფალი ვაჭრობის ხელშეკრულებას ხელს მოაწერს, ქვეყანა შეძლებს, ევროკავშირის ბაზარზე საქონლისა და მომსახურების ექსპორტის განხორციელებას და სავაჭრო მექანიზმების განვითარებას.

როგორც ევროკავშირთან ასოცირების ხელშეკრულების შემადგენელი ნაწილი, ღრმა და ყოვლისმომცველი თავისუფალი ვაჭრობის ხელშეკრულება უზრუნველყოფს ვაჭრობის შეძლებისდაგვარად სრულ ლიბერალიზებას.

გარდა ამისა, ეს ბევრად მეტია, ვიდრე თავისუფალი ვაჭრობის თემაზე ჩვეულებრივი ხელშეკრულება; იგი ეხება არა მხოლოდ ვაჭრობის ლიბერალიზებას ყველა სფეროში, არამედ უფრო პარტნიორი ქვეყნების სავაჭრო კანონმდებლობის ჰარმონიზებას ევროკავშირის სტანდარტებთან. ეს მოიცავს ისეთი რეგულაციების გადმოღებას, რომლებიც მართლაც სტაბილური და ზრდაზე ორიენტირებული ეკონომიკური პოლიტიკის ჩარჩოს უზრუნველყოფს, რაც ქვეყნის კონკურენტუნარიანობას გაზრდის.

კონკურენტუნარიანობის ზრდა იმას ნიშნავს, რომ საქართველო უფრო კონკურენტუნარიანი გახდება იმ ქვეყნებს შორის, რომლებიც მსოფლიო ბაზარზე არსებული საინვესტიციო რესურსის მოსაპოვებლად იბრძვიან.

მოკლედ და გასაგებად რომ ვთქვათ, ეს ხელშეკრულება გულსხმობს საქართველოში ისეთი

ეკონომიკური გარემოს ფორმირებას, რომელიც ქვეყანას ინვესტიციების მიღებაში დაეხმარება, მათ შორის - ევროკავშირის ქვეყნებიდანაც. ეს ხელს შეუწყობს ქვეყნის ეკონომიკის და ინფრასტრუქტურის მოდერნიზებას და ახალი სამუშაო ადგილების შექმნას.

უმუშევრობის პრობლემის დაძლევის ნაადრევად დასრულებას ხელშეკრულების ხელმოწერის შემდეგ საქართველოში შეიქმნება თავისუფალი, სტაბილური და პროგნოზირებადი გარემო, რაც ევროპის ქვეყნებიდან პირდაპირ უცხოურ ინვესტიციებს გაზრდის. ევროპის საერთო ეკონომიკურ სივრცეში შესვლით ქართული პროდუქცია იმავე პირობებით ისარგებლებს, როგორცაც ადგილობრივი პროდუქტი სარგებლობს.

მართალია, ეს რომ მოხდეს, ქართულმა პროდუქტმა მკაცრი ევროპული მოთხოვნები უნდა დააკმაყოფილოს, რაც რთული და ხანგრძლივი პროცესია, მაგრამ საბოლოოდ ეს ქვეყანაში წარმოებული პროდუქციის ხარისხს გააუმჯობესებს და შესაბამისად, ექსპორტის პოტენციალს გაზრდის. გარდა ამისა, საქართველო სურსათის უვნებლობისა და მომხმარებლის დაცვის ასპექტებზე მეტად იქნება ფოკუსირებული.

რატომ არის ევროპული ბაზარი საინტერესო საქართველოსთვის? პირველ რიგში, იმიტომ, რომ მას, პოსტსაბჭოთა სივრცისგან განსხვავებით, ერთ-ერთი ყველაზე მაღალი მყიდველობითი უნარის მქონე მომხმარებელი ჰყავს. ზოგადად ევროპულ ბაზარს 500 მილიონი მომხმარებელი ჰყავს, რომელთა საშუალო წლიური შემოსავალი 39,000 აშშ დოლარია, და 16 ტრილიონ ევროზე მაღალი მთლიანი შიდა პროდუქტი აქვს.

საპროგნოზო გათვლებით, ღრმა და ყოვლისმომცველი თავისუფალი ვაჭრობის ხელშეკრულების ხელმოწერის შემთხვევაში, საქართველოს ექსპორტი ევროკავშირში, მინიმუმ, 12 პროცენტით გაიზრდება, ხოლო ევროკავშირიდან იმპორტი - 7.5 პროცენტით. გრძელვადიან პერსპექტივაში, საქართველოს მშპ 4.3 პროცენტით ანუ 292 მილიონი ევროთი მოიმატებს.

საინტერესოა, რომ ეს არ ეხება მხოლოდ საქართველოს. ევროკავშირთან თავისუფალი სავაჭრო ეკონომიკური ურთიერთობები ეკონომიკურად რომ მომგებიანია, ამას შემდეგი კვლევებიც ცხადყოფს:

ზოგადი წონასწორობის გამოთვლით მოდელზე (CGE) დაყრდნობით, სხვადასხვა ქვეყნებში ჩატარდა სხვადასხვა კვლევები იმ ეფექტების შესაფასებლად და შესადაარებლად, რასაც ქვეყნების ეკონომიკებზე, ერთი მხრივ, ევროპულ საბაჟო კავ-

შირში გაერთიანება და, მეორე მხრივ, ევროკავშირთან ღრმა და ყოვლისმომცველი თავისუფალი ვაჭრობის ხელშეკრულების განხორციელება მოახდენდა. მოდელირება ჩატარდა უკრაინის ეკონომიკის მაგალითზე ამ ქვეყნის საბაჟო კავშირში გაერთიანების და ღრმა და ყოვლისმომცველი თავისუფალი ვაჭრობის ხელშეკრულების განხორციელების შემთხვევაში.

კვლევების თანახმად, ღრმა და ყოვლისმომცველი თავისუფალი ვაჭრობის ხელშეკრულების შემთხვევაში უკრაინის მშპ 11.8 პროცენტით გაიზრდებოდა, ხოლო საბაჟო კავშირში განვითარების შემთხვევაში - მშპ 3.7 პროცენტით შემცირდება (!). ღრმა და ყოვლისმომცველი თავისუფალი ვაჭრობის ხელშეკრულება მკვეთრად გაზრდის ვაჭრობას, როგორც ექსპორტის, ასევე იმპორტის თვალსაზრისით, ხოლო საბაჟო კავშირის წევრობა მთლიან სავაჭრო ბრუნვას შეამცირებს. ყველაზე დიდი ეფექტი ექსპორტის კუთხით იქნება - საბაჟო კავშირის წევრობის შემთხვევაში უკრაინული ექსპორტის გრძელვადიანი ზრდა, ამ კავშირის ყველა ქვეყანაში ექსპორტის პირობებში, 17.9 პროცენტის ტოლია, ხოლო ევროკავშირთან ღრმა და ყოვლისმომცველი თავისუფალი ვაჭრობის ხელშეკრულების შემთხვევაში - 46.1 პროცენტი ანუ სამჯერ მეტი.

უკრაინის მაგალითზე ჩატარებული ეს კვლევა საკმაოდ ნათელ პასუხს იძლევა იმაზე, რომელი ეკონომიკური ორიენტაცია (პრო-ევროპული თუ პრო-რუსული) უფრო მეტ ეკონომიკურ (და არა მხოლოდ პოლიტიკურ) ეფექტს იძლევა ქვეყნისათვის.

ამას გარდა, ამ თემაზე საუბრისას აღსანიშნავია კიდევ ერთი დეტალი - ევროკავშირი მნიშვნელოვან დახმარებას უწევს ქვეყნებს იმ რეფორმების განხორციელებაში, რომლებიც დაკავშირებულია ღრმა და ყოვლისმომცველი თავისუფალი ვაჭრობის ხელშეკრულებასთან. 2011-2013 წლებში საქართველომ 31 მილიონი ევროს დახმარება მიიღო და მომავალშიც მიიღებს მნიშვნელოვან დახმარებას იმ რეფორმების გასატარებლად, რომლებიც 2014-2020 წლებში ღრმა და ყოვლისმომცველი თავისუფალი ვაჭრობის ხელშეკრულების მოთხოვნების შესრულებისკენ არის მიმართული.

ყველაფერი ამის შედეგი კი საქართველოში ევროპული ეკონომიკური მოდელის დამკვიდრება უნდა გახდეს - იმ მოდელის, რომელიც ამ ბოლო დროს შესაძლოა, გარკვეულ პრობლემებს განიცდის, თუმცა დღემდე მსოფლიოში სოციალური საფრთხეების ყველაზე უკეთ გამთვალისწინებელი ეკონომიკური მოდელია.

ირაკლი ღარიბაშვილი არ ეთანხმება აზრს, რომ უკრაინის მაგალითმა შესაძლოა, საქართველოზე ნეგატიური გავლენა მოახდინოს

საქართველოსა და უკრაინის შემთხვევები განსხვავებულია, რადგან ჩვენ უფრო ნაკლებად ვართ რუსეთზე დამოკიდებული, ვიდრე უკრაინა, - ამის შესახებ საქართველოს პრემიერ-მინისტრმა ირაკლი ღარიბაშვილმა „როიტერთან“ ექსკლუზიურ ინტერვიუში განაცხადა.

„უკრაინის მიერ მიღებული გადაწყვეტილება სამწუხაროა, მაგრამ უკრაინისა და საქართველოს შემთხვევები განსხვავებულია, რადგან საქართველო ნაკლებად არის დამოკიდებული რუსეთზე, ვიდრე უკრაინა. რუსეთმა შესაძლოა, საქართველოზე ზენოლისთვის პოლიტიკური და ეკონომიკური ბერკეტები გამოიყენოს, მაგრამ არ ვფიქრობ, რომ ეს სერიოზული იქნება,“ - თქვა ირაკლი ღარიბაშვილმა ინტერვიუში.

პრემიერ-მინისტრმა ასევე აღნიშნა, რომ რუსეთის მიერ საქართველოს ტერიტორიების 20 პროცენტი ოკუპირებულია და საქართველოს რუსეთთან ამ დრომდე აქვს გადაუჭრელი პრობლემები და კონფლიქტები აფხაზეთისა და ე.წ. სამხრეთ ოსეთის გამო.

საქართველოს პრემიერ-მინისტრი ასევე შეეხო ვანო მერაბიშვილის საკითხს და ევროპელი ლიდერების მოწოდებას, რომ ხელისუფლებამ პოლიტიკურ რევანშს არ მიმართოს.

„ვანო მერაბიშვილისა და იულია ტიმოშენკოს საკითხი აბსოლუტურად განსხვავებულია. ჩვენს ზოგიერთ ევროპულ პარტნიორს შესაძლოა, კითხვები ჰქონდეს, მაგრამ ჩვენ ყველას დავარწმუნებთ, რომ მერაბიშვილის წინააღმდეგ სასამართლო აბსოლუტურად გამჭვირვალეა,“ - განაცხადა ირაკლი ღარიბაშვილმა.

საქართველოს პრემიერ-მინისტრი არ ეთანხმება აზრს, რომ უკრაინის მაგალითმა შესაძლოა, საქართველოზე რამე ნეგატიური გავლენა მოახდინოს. ამის შესახებ ირაკლი ღარიბაშვილმა აჭრნალის ტეხს სამხედრო ქალაქში ჯარისკაცებისთვის ბინების სიმბოლურად გადაცემის შემდეგ განუცხადა.

„რაც შეეხება უკრაინის მაგალითს და პარალელის გავლებას, რომ შესაძლოა, უკრაინის მაგალითმა რამე ნეგატიური გავლენა მოახდინოს საქართველოზე, ამ აზრს არ ვეთანხმები. მიმართა, რომ ამან შეიძლება, პირიქით, ხელი შეუწყოს პროცესის დაჩქარებას. რაც მთავარია, უკრაინის მაგალითი არ არის შესაფერისი, იქიდან გამომდინარე, რომ საქართველო ნაკლებად დამოკიდებულია რუსეთზე,“ - განაცხადა ირაკლი ღარიბაშვილმა.

რაც შეეხება კითხვას, რამდენად ელოდება საქართველოს მთავრობა, რომ ვილნიუსის სამიტის მოახლოებასთან ერთად შესაძლოა, რუსეთის მხრიდან ოკუპირებულ ტერიტორიებთან პროვოკაციები იყოს, ღარიბაშვილმა განაცხადა, რომ საქართველოს ბევრი პროვოკაცია უნახავს.

„ჩვენ ეს რისკები, ეს გამოწვევები ძალიან ფრთხილად და გონივრულად უნდა შევაფასოთ და პროვოკაციებს არ უნდა ავყვეთ. მუსიერებს აზრი, რომ შესაძლოა, პროვოკაციების რაოდენობა გაიზარდოს, ამას დრო გვაჩვენებს. ჩვენ ვიქნებით მაქსიმალურად მობილიზებული იმისთვის, რომ ამ პროვოკაციების პრევენცია დროულად მოვახდინოთ,“ - განაცხადა ირაკლი ღარიბაშვილმა.

სოფელ ხელთუბანის მოსახლეობა თანასოფელ იელოველებს დაუპირისპირდა

გორის რაიონის სოფელ ხელთუბანში მოსახლეობის ერთი ნაწილი იელოვას მიმდევრებს დაუპირისპირდა. დაპირისპირების მიზეზი სოფლის ცენტრში, მჭიდრო დასახლების ადგილას, იელოვას მონმეთა შეკრებებისთვის განკუთვნილი ნაგებობის მშენებლობა გახდა.

სოფლის მოსახლეობამ პროტესტის ნიშნად ხელმოწერებიც შეაგროვა და ხელისუფლებას მიმართა, თუმცა მშენებლობა გრძელდება.

მართლმადიდებელი მოსახლეობის განცხადებით, ისინი თანასოფლელებს რელიგიური ნიშნით არ უპირისპირდებიან. მათი თქმით, აღნიშნული ადგილი მსგავსი ტიპის ხალხმრავალი შეკრებებისთვის მიზანშეუწონელია.

თავად იელოვას მიმდევრები თანასოფლელების პროტესტს უსაფუძვლოდ მიიჩნევენ და მშენებლობას აგრძელებენ.

სოფლის მოსახლეობის მართლმადიდებელი ნაწილი აცხადებს, რომ თუ მშენებლობის შეჩერება არ მოხდება, პროტესტის ყველა ფორმას მიმართავენ.

საქართველოს პრეზიდენტი პატიმრებს, სავარაუდოდ, წინასაახალწლოდ გაიწყობს

პატიმართა შეწყალების კომისიის თავმჯდომარე ალექო ვლი-საშვილმა გუშინ „პირველის“ პრესკლუბში ჟურნალისტების შეკითხვებს უპასუხა.

ალექო ვლისაშვილის განცხადებით, პატიმართა შეწყალების კომისიის თავმჯდომარისა და წევრთა ობიექტურობა დიდად არის დამოკიდებული შეწყალების

კომისიის დებულებასა და მის კრიტერიუმებზე. დებულებისა და კრიტერიუმების დახვეწა პირველი შეწყალებისთვის არ მოხერხდება და პატიმართა განცხადებები ძველი დებულებით გადაიხედება.

პარალელურად, კომისიის წევრები დებულების კრიტერიუმების შეცვლაზეც მუშაობენ. მი-

სივე თქმით, დებულებაში არის ისეთი მუხლი, რომელიც ყველა კრიტერიუმს გამოირიცხავს და აბათილებს.

ვლისაშვილმა საუბრისას ასევე აღნიშნა, რომ დღეისთვის კომისიაში პატიმართა 600 განაცხადია შესული, მათგან 150 განაცხადი კრიტერიუმებს აკმაყოფილებს. კომისიაში განაცხადების მიღება

კვლავ გაგრძელდება. შეწყალების კომისიის პირველი გაცნობითი სხდომა 29 ნოემბერს, 11:00 საათზე, პრეზიდენტის ავლარის რეზიდენციაში გაიმართება.

ვლისაშვილის თქმით, პატიმრები განთავისუფლებას 23 ნოემბრისთვის ელოდებოდნენ, თუმცა ეს პროცესი პოლიტიკური ცვლილებების გამო გადაიდო.

მიხეილ გაბრიჩიძე და ფოთის აზვები

ზურა თალაქვაძე

მიხეილ გაბრიჩიძემ თავისი ტურნეს მეორე ეტაპი დაასრულა. ქართული კალათბურთი არა მხოლოდ საპრეზიდენტო საარჩევნო ამბები. ქართულ კალათბურთში ფოთსაც თავისი პატარა უბანი აქვს და გაბრიჩიძემ პატარა, კოხტა დარბაზი და ძალიან მონდომებული ბავშვები ნახა. ფოთში კალათბურთს როლანდ გარუჩავა უწეოს. თბილისის «დინამოს» ყოფილი მოთამაშე, რომლის კარიერა მიიმე ტრავმის გამო დასრულდა. ფოთში გარუჩავა ლეგენდაა, რომელიც პატარებს უვლის და ბევრ რამეს თავისი ხელით აკეთებს. პრეზიდენტობის კანდიდატი და გარუჩავა საკალათბურთო დარბაზში შეხვდნენ ერთმანეთს.

დარბაზში ბევრი რამ შესაკეთებელია და უფრო მეტი გაკეთებულია. პატარები რამდენიმე მწვრთნელის ზედამხედველობით ვარჯიშობენ და ძალიან მონდომებულები არიან. გაბრიჩიძემ, გააკეთებენ ერთ ილეთს, ისვრიან ბურთს, ჩააგდებენ, ვერ ჩააგდებენ და შემდეგ წრეზე მანძილზე კმაყოფილები მიდიან. დარბაზში ყრიამული იყო და იქ ყოფნამ სასიამოვნო ემოციები დაგვიტოვა.

ფოთში მთელი კალათბურთი როლანდ გარუჩავაა. კაცი, რომელსაც ძალიან უყვარს თავისი საქმე და კაცი, რომელიც ამ საქმით არ იღლებს. ცდილობს, პატარებს აუცილებელი გაკვეთილები ჩაუტაროს, თავისი გამოცდილება მისცეს. ვეტერანი დღესაც ისეთივე მონდომებულია, როგორც ადრე, «დინამოს» ღირსებას რომ იცავდა. ეს ძალიან ადრე იყო და გარუჩავა არ შეცვლილა. ალბათ, არც შეიცვლება. ერთგული ხალხი არ იცვლება. მიხეილ გაბრიჩიძემ ეს დაინახა. გაბრიჩიძე და გარუჩავა დიდი ხნის მეგობრები არიან. საპრეზიდენტო კამპანიის დროს იქ მეგობრობა იყო.



ფოთის საკალათბურთო დარბაზში

მიხეილ გაბრიჩიძე: «როლანდ გარუჩავა არაჩვეულებრივი ადამიანია. კალათბურთის ერთგული კაცი, რომელმაც ფოთში სპორტის ამ სახეობის პოპულარიზაციისთვის მაქსიმუმი გააკეთა და ალბათ, მაქსიმუმს გააკეთებს. შეხედეთ ამ დარბაზს... ეს ყველაფერი ამ კაცმა თავისი ხელებით შექმნა და არ აპირებს მიღწეულით დაკმაყოფილებას. როლანდ გარუჩავას იცნობენ, როლანდ გარუჩავა უყვართ და როლანდ გარუჩავა ფოთში შეუცვლელი ადამიანია. ის, პირველ რიგში, ქართული კალათბურთის პრესტიჟს უფრთხილდება და მომავალს ზრდის. ჩემთვის ეს სამაგალითოა და ყველანაირად ვეცდები, ამ კაცს, ისევე როგორც მოლიანად ქალაქს, ყველა ბავშვს, ვინც კალათბურთზე დადის, კალათბურთის სიყვარული და პატივისცემა გავუზარდო. ისინი ამას იმსახურებენ და კალათბურთიც ამას იმსახურებს. ფოთში ჩემი ჩასვ-

ლით კმაყოფილი კი არა, ბედნიერი ვარ. ვნახე მეგობარი, რომელიც მიყვარს და რომელსაც ყველაფერში ვენდობი. ფოთში კალათბურთი დაბრუნდება.»

როლანდ გარუჩავა: «ჩემთვის მთავარია, რომ ქართული კალათბურთის სათავეში იყოს პატიოსანი, სუფთა, კალათბურთზე შეყვარებული ადამიანი, რომელიც საქმეს გააკეთებს, ბავშვებს მიხედავს, მწვრთნელებს საუკეთესო პირობებს შეუქმნის. ფოთში კალათბურთი უყვართ, ფოთში კალათბურთი დღესაც პოპულარულია და ფოთში კალათბურთი უფრო უნდა გაიშალოს. მიხეილ გაბრიჩიძე დიდი ხნის ნინ გავიცანი, დღემდე ვმეგობრობთ და ბედნიერი ვიქნები, თუ ის თავის თავზე მეტ პასუხისმგებლობას აიღებს. მჯერა მისი შრომისმოყვარეობის, მისი ერთგულების და ყველაფერს საუკეთესოს ვუსურვებ. ჩვენი მხრიდან რაც გასაკეთებელი იქნება, გავაკეთებთ. ვგულისხ-

მობ იმას, რომ ფოთში კალათბურთი ყოველთვის იქნება. ვავარჯიშებთ ოთხ ასაკობრივ ჯგუფს, გავედით ტურნირებზე, გვაქვს ნარმატებები და ვცდილობთ, პატარებს სწორი საკალათბურთო განათლება მივცეთ. ეს იმ პროცესის გაგრძელებაა, რომელიც დიდი ხნის ნინ დაიწყო.»

ფოთის ამბები დაიხურა და მიხეილ გაბრიჩიძე უკვე ბათუმისთვის ემზადებოდა. თავის გუნდთან ერთად, რომელიც, ისევე როგორც გაბრიჩიძე, ცდილობს კალათბურთში საკალათბურთო ტერმინოლოგიით ისაუბროს. ისაუბროს კალათბურთზე და არა სხვა, უმნიშვნელო ნიუანსებზე. ფოთში ძალიან საინტერესო შეხვედრა იყო.

მიხეილ გაბრიჩიძემ თავისი ტურნეს მეორე ეტაპი დაასრულა. დღეს მესამე შეხვედრაა დაგეგმილი.

ფაჩულის გუნდი უკან იხევს



„მილუოკი ბაქსმა“, რომლის ღირსებას ზაზა ფაჩულია იცავს, ამერიკის ნაციონალურ საკალათბურთო ასოციაციაში ზედიზედ მე-9 მატჩი წააგო. „ირმები“ დეტროიტში „პისტონსს“ შეხვდნენ და 19 ქულით დამარცხდნენ -94:113.

ტრადიციულად, სასტარტო ხუთეულში ითამაშა ქართველმა ცენტრმა, რომელმაც მოედანზე სულ 17:25 წუთი გაატარა. ფაჩულიამ 8 ქულა, 1 მოხსნა, 2 პასი და 1 ჩაჭრა მოაგროვა, ბურთი კი ერთხელ დაკარგა. ზაზამ 3-დან 2 ორქულიანი და 4-დან 4 საჯარიმო ჩააგდო.

მილუოკელთა შორის 15 ქულით საუკეთესო იყო ჯონ ჰენსონი, 14-14 ქულა კი კრის მიდლტონისა და გარი ნილის ანგარიშზეა. რაც შეეხება დეტროიტელებს, 7 მოთამაშე 10-ქულიანი ზღვარს გადასცდა, რომელთა შორის ყველაზე მეტი - 17 ქულა, როდნი სტაკმა დააგროვა.

„მილუოკის“ 2 მოგება და 11 მარცხი აქვს, რაც აღმოსავლეთ კონფერენციაში ბოლო ადგილის ტოლფასია. ფაჩულის გუნდი მომდევნო მატჩს 27 ნოემბერს შინაურ არენაზე „ვაშინგტონთან“ გამართავს.

თბილისი კარატეში მსოფლიო მაკაბის თასისთვის ემზადება



საქართველოს სპორტისა და ახალგაზრდობის საქმეთა სამინისტროში, მინისტრი ლევან ყიფიანი WORLD MACCABI CUP 2014-ის მზადების ფარგლებში საქართველოში ოფიციალური ვიზიტით მყოფ დელეგაციის წევრებს შეხვდა.

შეხვედრას მინისტრი ლევან ყიფიანთან ერთად, განათლებისა და მეცნიერების მინისტრი თამარ სანიკიძე, სასჯელალსრულების, პრობაციისა და იურიდიული დახმარების საკითხთა მინისტრი სოზარ სუბარი, რეგიონული განვითარებისა და ინფრასტრუქტურის მინისტრი დავით ნარმანია და სხვა ოფიციალური პირები ესწრებოდნენ.

მინისტრებმა, სპორტული რადიო «ჯაკოს» დამფუძნებელ ჯამლეტ ხუბაშვილთან და კარატეს ფედერაციის პრეზიდენტ კახა ბასილიასთან ერთად, ისრაელიდან მსოფლიოს ქართველ-ებრაელთა კონგრესის პრეზიდენტ გაბრიელ მირეზაშვილს, ისრაელის კარატეს ფედერაციის პრეზიდენტს გაბი მიხელის და ასევე ისრაელის სამთავრობო 4 კაციანი დელეგაციას და შეხვედრაზე მოწვეულ სტუმრებს უმასპინძლეს. სამინისტროში ვიზიტის შემდეგ, ოფიციალური დელეგაცია ბიძინა ივანიშვილსაც შეხვდა.

მსოფლიო მაკაბის თასი კარატეში გაიმართება 2014 წლის 18-19 ოქტომბერს თბილისში. ტურნირზე მონაწილეობას მიიღებს 55 ქვეყნის ნაკრები გუნდი. ორგანიზატორები არიან მსოფლიოს მაკაბის კავშირი, მსოფლიოს კარატეს ფედერაცია, საქართველოს სპორტისა და ახალგაზრდობის საქმეთა სამინისტრო და თბილისის მერია.

msy.gov.ge

სფფ-ის განცხადება

საქართველოს ეროვნული ნაკრების მთავარი მწვრთნელის - თემურ ქეცბაიასა და საქართველოს ფეხბურთის ფედერაციის შორის არსებული ხელშეკრულების პირობები, უკანასკნელი დღეების განმავლობაში საზოგადოების და მედიის განსჯის საგნად იქცა.

ვინაიდან, ხელშეკრულების ვადებმა გარკვეული დაბნეულობა გამოიწვია, საჭიროდ მივიჩნიეთ გავაკეთოთ განმარტება და ყველა დაინტერესებული პირისათვის გასაგები გავხადოთ კონტრაქტის სადაო პუნქტები.

თემურ ქეცბაიას და სფფ-ის მოქმედი ხელშეკრულება 2011 წლის 12 სექტემბრიდან 2015 წლის 12 სექტემბრამდე აკავშირებს. რაც გულისხმობს მწვრთნელის მუშაობის 4 წელს.

რაც შეეხება აქამდე გავრცელებულ ინფორმაციას - ხელშეკრულების 2+2 წლიანი ვარიანტის შესახებ, ის ხელშეკრულების გაფორმების დღიდან განმარტებული იყო არა როგორც ხელშეკრულების პირობა, არამედ, როგორც ეროვნული ნაკრების სამწვრთნელო შტაბის სამუშაო გეგმა.

აქვე, საქართველოს ფეხ-

ბურთის ფედერაციის იურიდიული სამსახური ოფიციალურად განმარტავს: »კონტრაქტის გაფორმების დღიდან - დღემდე, მასში აღნიშნული ვადები უცვლელია და არანაირი ახალი კონტრაქტი ან რაიმე სახის შეთანხმება თემურ ქეცბაიასთან არ გაფორმებულა. კონტრაქტი 4 წლიანია და გრძელდება 2015 წლის 12 სექტემბრამდე.»

ბით საქართველოს ნაკრები მამაკაცთა შორის სპორტულ სამბოში ცხრა, საბრძოლო სამბოში ორი და ქალთა შორის სამი სპორტსმენით იყო წარმოდგენილი.

საქართველოს სამბოს ფედერაციის პრეზიდენტმა სოსო ლიპარტიანიამ დამსწრეთ ერთი საინტერესო ინფორმაციაც მიაწოდა. სამბოს საერთაშორისო ფედერაცია აქტიურად ჩაერთო დოპინგის წინააღმდეგ ბრძოლაში და სპეციალური სამედიცინო და ანტიდოპინგური კომისია შექმნა, რომლის ხელმძღვანელად საქართველოს ოლიმპიური ნაკრების მთავარი ექიმი ზურაბ კახაბრიშვილი დაინიშნა.

სამინისტროში სამბისტებს უმასპინძლეს

სპორტისა და ახალგაზრდობის საქმეთა მინისტრმა ლევან ყიფიანმა სამინისტროში სამბოს ფედერაციის ხელმძღვანელებსა და საქართველოს ნაკრების წევრებს უმასპინძლა და მსოფლიო ჩემპიონატზე მოპოვებული წარმატება მიულოცა.

საქართველოს სამბოს ეროვნული ნაკრების მოჭიდველები წარმატებით გამოვიდნენ რუსეთის ქალაქ სანკტ-პეტერბურგში გამართულ მსოფლიო ჩემპიონატზე.

ქართველმა სამბისტებმა 2 ოქროს, 1 ვერცხლის, 3 ბრინჯაოს და გუნდური ვერცხლის მედალი მოიპოვეს.

მსოფლიო ჩემპიონები გახდნენ ვახტანგ ჩიდრაშვილი



(57 კგ.) და ლევან ნახუცრიშვილი (68 კგ.), ლაშა გურულმა (100 კგ.) ფინალური შეხვედრა წააგო და ვერცხლის მედალს დასჯერდა, ბრინჯაოს მედალები კი მოიპოვეს კახა მამულაშვილი

მა (74 კგ.), ნოდარ მეტრეველი (მძიმე წონა) და ირინე ლეონიძე (+80 კგ.).

მსოფლიო პირველობაზე მთავარი მწვრთნელის ჯონდო მუზაშვილის ხელმძღვანელო-

17 და 19-წლამდელი ელიტრაუნდში მატოქეაზს ელიან

პირველი გვარდია

«ძალიან გვიანდა და ყველაფერს გავაკეთებთ, რომ 19-წლამდელთა ელიტრაუნდს თბილისში ვუმასპინძლოთ. ეს საკითხი მონაწილე ქვეყნებს შორის ურთიერთშეთანხმებასა და მოლაპარაკებაზეა დამოკიდებული. თუმცა, ვიმეორებ, ძალას არ დავიშურებთ, რომ ჩვენმა ბიჭებმა შინ ითამაშონ და გაახარონ ქართველი გულშემატყვიარი», - შევიცარიანაში გამგზავრების წინ განაცხადა სფფ-ის პრეზიდენტმა ზვიად სიჭინავამ.

19-წლამდე ასაკში საქმე მართლაც საამაყოდ გვაქვს. ვასილ მაისურაძის ნაკრები პირველ კალათაშია განთესილი და საკვალიფიკაციო ეტაპის შემდეგ ამ ასაკში ნაჩვენები შედეგებით ევროპულ რეიტინგში მეოთხეა.

19-წლამდე ასაკში ყველაზე შედეგიანი და წარმატებული ქვეყანა ესპანეთია - ის ევროპის ექვსეზის ჩემპიონია. მოქმედი ჩემპიონი კი სერბეთია, რომელმაც ივლისში, ლიტვის ევროპის ჩემპიონატის ფინალში, საფრანგეთი დაამარცხა.

რაც შეეხება წილისყრას, საკვალიფიკაციო ეტაპიდან გასული 28 გუნდი 4 კალათაშია გადანაწილებული, საიდანაც ელიტრაუნდისთვის 7 ჯგუფი შეიქმნება. ელიტრაუნდში საკვალიფიკაციო ეტაპის მონაწილე გუნდების გზები აღარ გადაიკვეთება. ასე რომ, უელსის ნაკრები ჩვენი მეტოქე აღარ იქნება.

თითოეული ჯგუფის მასპინძელი ქვეყანა წილისყრის შემდეგ გაირკვევა, როცა ჯგუფის მონაწილე ქვეყნების წარმომადგენლები სამუ-



ელიტრაუნდში 19-წლამდელს გერმანიასთან შეხვედრა არ სურთ

შაო შეხვედრაზე მოლაპარაკებათა მაგიდას მიუსხდებიან.

19-წლამდელთა საგაისო ევროპის ჩემპიონატის მასპინძელია უნგრეთი (19-31 ივლისი). უნგრეთის ნაკრები, როგორც მასპინძელი, მერვე გუნდი იქნება, რომელიც ელიტრაუნდიდან გასულ შვიდ გუნდს შეუერთდება.

კენჭისყრის შედეგებს მოუთმენლად ელიან საქართველოს 19-წლამდელთა ნაკრების წევრები.

„პირველ კალათაში მოხვედრით ძალიან გახარებული და ამაყი ვარ.

ყველას ვულოცავ ამ წარმატებას, - ამბობს ნაკრების წევრი ოთარ კაკაბაძე. - რეიტინგში ღირსეული ადგილი გვიკავია. თუმცა, ამ უპირატესობას გამოყენება სჭირდება და ჩვენ ყველაფერს გავაკეთებთ, რომ ჯგუფში პირველ ადგილზე გავიდეთ და ჩემპიონატის ფინალურ ეტაპზე მოვხვდეთ. პირადად მე ჯგუფში არ ვისურვებდი გერმანიის ნაკრებს, მაგრამ უკვე ისეთი გამოცდილება დაგვიგროვდა, რომ გერმანიასაც არ შევუშინდებით, მასთანაც შევეცდებით ჩვენი ძალის დამტკიცე-

ბას.“ გერმანიასთან შეხვედრა არ სურს ნიკა ჭანტურასაც: »ძალიან სასიამოვნოა, რომ საქართველო პირველ კალათაშია. ერთი სული გვაქვს გავიგოთ, ვინ იქნებიან ჩვენი მეტოქეები ელიტრაუნდში. მეორე კალათიდან მეტოქედ არ ვისურვებდი გერმანიას, მაგრამ თუ მაინც ასე მოხდა, ყველაფერს გავაკეთებთ, რომ ევროპის ჩემპიონატზე ჩვენ გავიდეთ. საქართველოს ნაკრებს ყველა გუნდთან აქვს შანსი, რომელიც აუცილებლად უნდა გამოვიყენოთ.“ დღევანდელი წილისყრა თბილი-

სის დროით 14:30 წუთიდან დაიწყება. თავდაპირველად 17-წლამდელთა ნაკრების მეტოქეთა ვინაობას შევიტყობთ (17-წლამდელთა ევროპის ჩემპიონატს 2014 წლის 9-21 მაისს მალტა მასპინძლობს), მერე კი 19-წლამდელთა ჯერი დადგება.

ორივე ასაკის ელიტრაუნდისთვის ფორმულა ერთნაირია - 7 ჯგუფიდან ევროპის ჩემპიონატის ფინალურ ეტაპზე ჯგუფის გამარჯვებულები და მასპინძელი ქვეყნის ნაკრებები ითამაშებენ.

17-წლამდელთა განთესვა:

I კალათა - გერმანია, ინგლისი, ჰოლანდია, პოლონეთი, ესპანეთი, პორტუგალია, რუმინეთი;

II კალათა - სერბეთი, შევიცარია, საფრანგეთი, იტალია, ისლანდია, შოტლანდია, თურქეთი;

III კალათა - საბერძნეთი, ბელგია, საქართველო, ჩეხეთი, ლატვია, რუსეთი (მოქმედი ჩემპიონი), ავსტრია;

IV კალათა - ირლანდია, უელსი, ნორვეგია, შვედეთი, ბოსნია, ალბანეთი, უკრაინა.

19-წლამდელთა განთესვა:

I კალათა - ესპანეთი, პორტუგალია, ჩეხეთი, საქართველო, სერბეთი (მოქმედი ჩემპიონი), რუსეთი, ინგლისი;

II კალათა - გერმანია, უკრაინა, ბელგია, ჩეხეთი, ისრაელი, ავსტრია, შვედეთი;

III კალათა - ნორვეგია, მონტენეგრო, შევიცარია, იტალია, თურქეთი, დანია, საბერძნეთი;

IV კალათა - ბულგარეთი, შოტლანდია, რუმინეთი, კვიპროსი, უელსი, ლიტვა, ისლანდია.